

Index
of the
names of the
persons who
have been
admitted to
the
Society of
Friends
since the
year 1800

Index

Nicolaus Soderius

Guilhelmus Fornerius


Petrus Nodds

Ephraim Perleand

Fr. Balduini

34 - 1
NICOLAI SVDORII
CONSILIARII REGII, ET
PRAESIDIS INQUISITIONVM,
Disputationum Ciuiliū
Liber.

*In quo iuris ciuilis Quaestiones complures, difficiles
atque obscurae, accuratè tractantur.*



LVTETIÆ.

Ex Officina Federici Morelli Typographi Regij,
in vico Iacobæo, ad insigne Fontis.

M. D. LXXVIII.

CVM PRIVILEGIO REGIS.

Printed by J. B. Smith, at the Press of the American Book Concern, No. 101 N. 3rd St. Phila.

NICOLAI SEBORIN

CONSTITUTIONAL
RESEARCH
IN THE
FIELD

THE
RESEARCH
IN THE
FIELD



1877

THE
RESEARCH
IN THE
FIELD

IN THE
FIELD

THE
RESEARCH
IN THE
FIELD



AD AMPLISS. VIRVM

GERMANVM VALENTEM

/ in suprema Parlamenti
Curia Senatorem,
N. S.

INTER eos, vir amplissime, qui olim res gestas memoria prodiderunt, nonnulli vniuersum vel Græcæ, vel Romanæ historie corpus & personis & rebus & temporibus distinctum amplexi sunt: alij verò, vt inquit Sallustius, carptim tantummodo præcipua quadam populorum vel regum illustrium facta persequuti: atque his duobus historia scriptorum generibus nonnihil fortasse in iuris ciuilibus doctoribus & interpretibus haud absimile reperiri potest. Quemadmodum enim ex iis penè infiniti sunt, qui sumpta sibi & seposita certa iurisprudentiæ parte, in illa solummodo operam sumere & elaborare voluerunt: sic etiam non paucos reperias, qui vniuerso iure

tractando & illustrando sese Herculis labores
vicisse quodammodo & superasse glorientur. Ac
profecto mirum est, in utroque genere scribendi,
ad quam usq; multitudinem & molem vulga-
rium interpretum volumina excreuerint, ut qui
sibi eos omnes autores euoluendos & cognoscēdos
putet, is ceterarum rerum studia planè abii-
cere, nihilque aliud in vita agere aut meditari
debeat. Verum id longè admirabilius est, cetera-
rum scilicet artium principia & elementa, qua
initio disiecta & dissipata iacuerant, maturè ex-
cellentium hominum ingeniis redacta in artem
atque ordinem fuisse. Jurisprudentiam verò re-
liquarum scientiarum moderatricem, ad hanc
usque aetatem penè omni artificio & apta compo-
sitionis structura atque ordinis luce caruisse.
Nostris verò temporibus non pauci profecto ex-
titerunt, qui, ut inquit M. Tullius, studium
iuris civilis in certa genera digererent, deinde eorū
quasi quaedam membra dissiparet: tum propriam
cuiusque vim definitione declararent: ac postre-
mò omnibus Iurisconsultorum responsis, & Im-
peratorum rescriptis ad certa quaedam capita re-
uocatis, artem magis amplam & uberem, quàm
difficilem aut obscuram effecturi viderentur. Sed
qui rem tantam, tamque laudabilem hactenus
suscepe-

susceperunt, ferè prius omnes fato erepti & extin-
 cti sunt, quàm perficere & planè absoluerè in-
 cœpta potuere. Cum verò reliquos nostra ætatis
 homines circumspecto, qui magnam hodie iudicij,
 ingenij, & eruditionis opinionem habent, tu
 certè mihi unus occurris ex omnibus, quem in-
 genti huic oneri sustinendo idoneum, parèmq;
 dicere, & affirmare ausim, si tibi hac in re tan-
 tum ocij & voluntatis adsit, quantum facultatis,
 & natura tua excellēs, & diuturnus rerum hu-
 manarum usus, & exquisita doctrina largiun-
 tur. Quod si ut poëtæ nostri olim Herculi Io-
 laum, ceterisque heroibus comites quosdam, &
 magnorum laborum socios adiūxere: sic etiam tu
 in hoc opere planè heroico perficiundo, quasi socia
 & auxiliari alicuius opera uti velles: equidem
 libentissimè tibi uniuersam egregij facinoris lau-
 dem tribuens atque concedens, tecum in partem
 laboris tantummodo & vigiliarum venirem.
 Atque ut mea hac in re propensa promptaq; vo-
 luntatis, quasi testimonium quoddam literis con-
 signatū haberes, tibi librum hūc Disputationum
 Civilium nuper à me conscriptum offerre consti-
 tui: in quo iuris civilis quæstiones complures, diffi-
 ciles atque obscuras, utcunque tractatas inuenies,
 ac præcipuè illum de peremptione instantiæ locum

expurgatum & explicatum, ad quem quotidie,
ut scis, exerciti litigatores, quasi ad scopulum
tempestate delati adherescunt. Quod si hoc quic-
quid est libelli gratum tibi & acceptum fuisse
senfero, magnum mihi profecto stimulum addi-
deris ad amicitiam tuam quibuscunque aliis
rebus officiisque potero sancte in posterum & re-
ligiose colendam.

QVÆ HOC DISPVATIONVM
ciuilium Libro continentur.

- Disputatio ad Legem Properandum.* Pagina 1.
NON esse concedendum, vltcrius lites quàm triennij
spatio extendere. pag. 15.
Disputatio de iure venationis in Gallia. p. 42.
Oratio Titij, ad quem fundus dominans pertinet. 43.
Oratio Vassali. 46.
*Disputatio de hac conditione, LEGO TIBI VEL
DONO CENTVM, Si Mauiam uxorem du-*
xeris. 53.
Oratio eius cui res donata est sub hac conditione,
Si Caiam uxorem duxerit. 53.
Oratio Liberorum Sempronij ex secundo illius &
Mauiæ matrimonio, qui donationis conditionem
defecisse contendunt. 60.
*Disputatio, An testamentum natiuitate filij ruptum,
eiusdem morte subsequenti conualescat.* 67.
Oratio eius qui mulieri donatrici successit ab intestato.
pagina 68.
Oratio Mariti, pag. 73.



DISPUTATIONVM CIVILIVM

LIBER, AVTORE NICOLAO

Sudorio in Curia Parlamenti Consi-
liario Regio, & Præsides
Inquisitionum.

Disputatio ad L. Properandum. C. de Iudiciis.

DLATONI cruditorum omnium
facile principi placuit, quamlibet
legem à proprio quodam & pe-
culiari procœmio exordiri: Quod
etiam à doctoribus nostris vsur-
patum esse video, qui in materia-
rum titulis explicandis, plurimum operæ & laboris
ponere aliquando consueverunt. Sed eorum præ-
cepta, quanquam subtilia & acuta sunt, orationis
tamen puritate & nitore destituta, tenebras sæpè
legentibus offundunt. Nos verò eorum vestigia cla-
riore quadam via & apertiore insequuti, antequam
ad legis ipsius interpretationem accedamus, quæ iu-
diciorum solennitates antiquas & novas magna
ex parte continet, quædam initio de iudiciorum

Lib. vj. m. vj.

antiquitate & vtilitate præfari, ac generalia quædam iudiciorum præcepta leuiter attingere minimè absurdū arbitrari sumus. Medorū ergo, vt à Græcis accepimus, antiquissimum in terris Imperium fuit. Hi, quemadmodum Herodotus tradit lib. I. historiarum, cū initio sui iuris essent, nullūque nec Principem, nec Regem haberent, Medus quidam nomine Deioces inter eos magnam sanctitatis & iustitiæ famam assequutus est, concursusque ad eum factus ab omnibus, litium decidendarum & dirimendarum gratia: sed quum ille assidua iudicandi consuetudine astrictus, rei domesticæ operam dare non posset, amicis suadentibus, vt ait ille, paulū à iudicandi munere conqueiuit. Id quum inopinantibus Medis accidisset, repentè inter eos furta, latrocinia, bonorum direptiones, multò quàm antea grauius & periculosius grassari cœperunt. Quare commoti omnes, ad Regem eligendum comitia habenda censuere. In quibus nota & peruulgata Deiocæ æquitas ac iustitia tantū valuit, vt illicò Rex ille vna omnium voce renunciaretur. Cui autem Medo ita in Regem electo, & custodes corporis constituti sunt, & arx, in qua tutius habitaret, publico sumptu exædificata & munita est. Hesiodus verò, qui Herodoti tempora longo spatio antecessit, regibus antiquis iudicandi munus, vt maximè regium, accommodat his versibus:

——— μέγα κριθῶν βασιλῆας

Δωρ-

Δωροφάρεις, οἱ τῶδε δίκην ἐξέλθισι δικάσας.

Et rursus illis :

ὦ βασιλεῖς, ὑμεῖς δὲ καὶ φεράξετε ἐς αὐτοὺς
 τῶδε δίκην· ἐξ ἧς γὰρ ἐν ἀνθρώποισιν εἶοτες
 ἄθᾶνατοι λύσασιν ὅσοι σκληρῶς δίκην
 ἀλλήλοις τεύουσι, θεῶν ὅτιν οὐκ ἀγέροντες.

Nec verò Medorum tantummodo aut Græcorum
 de iudiciis huiusmodi opinio fuit, sed & apud
 Ægyptios & Hebræos prisca tempora, vt inquit
 Synesius, eosdem & Sacerdotes tulêre & Iudices:
 verba Synesij Episcopi hæc sunt: Ὁ παλαιὸς χρόνος
 ἕνεκεν τοῖς αὐτοῖς βασιλέας καὶ κρίτας· οἱ γὰρ ἀγρόται καὶ
 ἑβραῖοι ὑπὸ τῶν ἱερέων ἐβασίλευον. A qua iudiciorum
 auctoritate apud Ægyptios non multum antiqua
 Gallorum nostrorum consuetudo abhorruit: inter
 quos, vt scribit Cæsar, Commentariorum lib. 6.
 Druides rebus diuinis interesse, sacrificia procurare,
 de omnibus controuersis publicis priuatisque
 constituere consueuerant: & si quod erat admis-
 sum facinus, si cædes facta, si de hæreditate, de fi-
 nibus controuersia esset, iidem decernebant. Vnde
 facilè colligi potest quo in pretio iudicia antiqui
 Galli habuerint, quum videamus ab illis iudicandi
 sanctitatem cum numinis ipsius veneratione con-
 iunctam. Athenienses autem, quorum olim in ter-
 ris magna & imperiosa ciuitas fuit, duo omnino in
 vrbe consilia habuerunt: quorum vnum, τὸ βουλευ-
 τικόν· alterum, βουλὴ τῶν ἐν ἀρείῳ πάγῳ ap-

pellabant. Consilium quingentorum belli, pacisque negociis publicis præerat, atque eius potestas annuo spatio definiebatur. Areopagitæ ex viris optimis & probatissimis magistratu functis in Senatum allekti quoad viuerent iudicia inter suos, criminalia præsertim, moderabantur & exercebant: eorumque in Repub. summa erat autoritas, quum soli vitæ, necisque potestatem in ciues habere viderentur. Quod si temporum & imperiorum ordine ad Romanos descendere velimus, nullam gentem Romanorum gente in terris maiorem & clariorem fuisse, nullam iudiciorum autoritatis retinentiorem facile intelligemus. Etenim ab vrbe condita initio Reges, & postea Senatores, usque ad Gracchorum tempora penes se iudiciorum potestatem & autoritatem retinuerunt: sed tandem Gracchus Senatui capitaliter infensus, iudicia repente à senatorio ordine ad equestrem transtulisse dicitur. Qua vna re perfecta gloriatus est, sese non pederetim aut sensim, sed vna legis vnus promulgatione Senatum sibi inuisum, semel è Repub. sustulisse. Verba sunt

• Appiani lib. 1. ἐμφυλίων, Μετηνέστη μὲν ὧδε τὰ δικαστήρια
 • ἀπὸ τῆς βουλῆς εἰς τοὺς ἵππείας. Φασὶ δὲ κυρωθέντος ἄρτι τοῦ
 • νόμου τὸν Γράκχον εἰπεῖν, ὅτι αὐθιγὸς πλεὺν βουλὴν καὶ δῆρ' ἔχει.

Atque, vt M. Tullius inquit, quinquaginta annos
 • continuos equites integerrimè iudicarunt: victoria
 • autem Syllæ rursus iudicandi potestas equitibus erepta, & Senatui reddita ac restituta est. Deinde quum
 post

post bella ciuilia meliore quodam fato res omnes sub vnus Imperatoris nutum & arbitrium cecidissent, Imperator ipse sæpissimè grauioribus causis non interesse tantum, sed etiam præesse cõsueuerat.

” Vnde Suetonius de Augusto scribit: Ipse ius dixit
 ” assidue, & in noctem nonnunquam lectica pro tribunali collocata, vel etiam domi cubans. Et idem de Claudio Imp. hoc memoriæ traditum reliquit:
 ” In cognoscendo summa varietate fuit, modò inconsultus & præceps, modò circumspectus & sagax. Nec verò minorem in iudicando operam Tiberius impendit, quemadmodum à Corn. Tacito proditum est. Nec sanè iniuria antiqui tanto in pretio iudiciorum rationem omnem & cõstitutionem habuerunt: Quemadmodum enim ait Plato lib. 6.

” *πῶς δὲ νόμον: πᾶσι δὲ πόλις ἀπολις αἰ ἡ πόλις, ἐν ἣ δικασθῆναι*
 ” *μὴ κατὰ τὰ εἴη καὶ ἔσποι.* Ciuitatē breui corruiere & euerti necesse est, in qua iudicia minimè fuerint ritè & ordine constituta. Et, vt inquit Cicero in orat. 2.

” contra Rullum, Minimè illa popularia existimanda sunt, iudiciorum perturbationes, rerum iudicatarum infirmationes, qui ciuitatum afflictarum perditis iam rebus solent esse extremi exitus. Nullum verò iudiciorum in Republica necessitatis ac ponderis certius argumentum est, quàm quòd latrones ac prædones ipsi, qui legibus & iustitiæ perpetuum bellum indixere, diutius viuere simul non possunt, nisi aliqua iustitiæ particula abutantur, & prædam

inter se æquabiliter dispertiant: qua quidem iuris adumbrata imagine Bargulum Illyrium, & Lusitanum Viriatum magnas opes consecutos esse accepimus. Atque iis breuiter disputatis, prius quàm ad legis ipsius interpretationem accedamus, operæpretium est pauca de Romanorum iudiciis ex Iuriscōsultorum libris collecta p̄currere, vt si qua est in hac lege singularium rerum obscuritas, ea generalium præceptorum adhibita explicatione tollatur. Sciendum est ergo, apud Romanos plures singulis annis prætores creari solitos fuisse, qui inter se initio anni sortiebantur: quā de re quisque aut ciuili, aut criminali cognosceret, vt apparet ex iis Ciceronis
 „ verbis, secunda act. in Verrem: Illis ipsis diebus Præ-
 „ tores designati sortiebantur, & Marco Metello ob-
 „ tingerat, vt is de pecuniis repetundis quæreret. Quum
 autem controuersia aliqua exorta erat, actor reum in ius, hoc est, ad prætorem vocabat. Qua in re nullus erat tergiuersationi aut excusationi locus. Si enim partes ad eum prætorem venissent, cuius iurisdic-
 dictio non erat, is rem totam æstimare poterat, ac videre an sua esset iurisdic-^a tio: quòd si vterque liti-
 „ gantium in prætorem etiam alienum consensisset, rata eius erat sententia, quamuis iurisdictionis suæ
 fines & terminos excessisse videretur. ^b Sed prætores aliquando ius secundum receptum iurisdictionis ordinem reddebant: aliquando verò extra ordinem. Mos prætorum erat, non vt ipsi lites dirime-
 rent,

a. l. si quis
ex aliena. D.
de Iudiciis.

b. l. cōsen-
sisse. D. de
Iudiciis.

rent, sed tantum iudices darent litem iudicatu-
 ros, & de negotio cognituros^e. Nonnunquam tamen
 personarum quarundam fauore, vel rerum privile-
 gio, praesides prouinciarum & praetores ipsi causas,
 litescque audiebant: si de medici vel aduocati, vel
 nutricis salario ageretur: nonnunquam etiam poste-
 rioribus imperij temporibus Imperator ipse causas
 viduarum & pupillorum examinabat, ne personae huius-
 modi per se infirmæ aduersariorum potentia oppri-
 meretur^d. Sed hac in re tria praecipue consideranda
 sunt, quina in iudicium alios vocare possint, qui ipsi
 possint vocari, & quo in loco iudicium omne exer-
 cere debeat. Ac primum, seruus & filiusfamilias in
 ius aliquem vocandi potestatem non habent, sed ij
 tantum, qui sui sunt iuris ciues Romani^e, nisi forte
 aliqua singularis causa & occasio accidat, propter
 quam vocatio in ius huiusmodi personis debeat in-
 dulgeri, vt si filiusfamilias absit in longinqua pro-
 uincia studiorum causa, vel seruus de statu suo ad-
 uersus dominum ipsum litigare cogatur^f. In iudi-
 cium autem vocari possunt tam patresfamilias, quam
 filiifamilias, maxime si castrense, vel quasi castren-
 se peculium habeant, quia in huiusmodi pecunia
 patrumfamilias vice funguntur, sed & extra causam
 castrensis peculij ipsi obligari & conueniri possunt:
 condemnatio tamen contra eos facta, ad bona pa-
 terna non extenditur: & nihilominus olim, quum
 ius patriae potestatis locum adhuc haberet, multi

e. l. Qui ne-
 que. l. si praetor.
 de iudi.

d. l. prima
 & 2. de va-
 riis & extra-
 ord. cognit.
 D. l. vnic.
 Quando Im-
 perator in-
 ter vid.

e. l. Lis nul-
 la. l. vix cer-
 tis. D. de
 iudic.

f. l. Tam in
 contracti. D.
 de iudiciis. l.
 deniq. Par.
 Sed vtrū. de
 minorib. l. 1.
 & 2. ad Se-
 natuse. Ma-
 cedon. C. ne
 filius pro
 patre. l. 2.

reperiebantur, qui cum filiis familias contraherent, atque expectarent quoad malum nomen parentum morte bonum fieret: Nec verò hoc absurdum est, filiū familias patre superstite conueniri posse, agere non posse: nam filiis familias conuentio patri nihil detrahit, quum pater tantummodo vsque ad quantitatem peculij teneatur. At si filius familias inuito patre agere posset, sæpissimè filij eas pecunias profunderent, quæ parentibus iure patriæ potestatis acquiruntur. Atque id hoc loco annotandum est, olim quum omnes prouinciæ vni ferè imperio Romano parerent, legatos sæpissimè è Prouinciis Romam vel ad Senatum, vel ad principem mitti solitos, eosque ciuitatum & prouinciarum facilè principes, vt Plutarchus Possidonium philosophum testatur ad Syllam missum, in vita Syllæ. Extat etiam Philonis Iudæi oratio, quam missus ad Caium Cæsarem legatus habuit: & satis nota est legatio illa, quam Romæ tres trium sectarum in philosophia primi obière, Diogenes Stoicus, Critolaus Peripateticus, & Carneades Academicus. Quicumque autem legati olim è prouinciis Romam negotij publici causa proficiscerentur, si ante legationem sese obligauerant, in eo loco §, vbi legationem obibant, non poterant conueniri, quoad legitimum legationis tempus exiisset, atque ideo potestatem ac priuilegium aduersarios suos domum reuocandi habere dicebantur, quemadmodum hodie in Gallia, qui in

certa

§. 1. Cōsentit. Par. legatis. D. de Iudiciis.

certa domini cuiusdam iurisdictione domicilium
 cōstituit, si alibi cōueniatur, aduersarium suum do-
 mum reuocat, hoc est, in proprium rei domicilium
 litigaturum abducit. sed hoc legatis priuilegium au-
 ferebatur, si fortè aduersus aliquem tempore lega-
 tionis agerent: tunc enim sese aduersus omnes de-
 fendere cogeantur. ^h Vel si legationis tempore
 commissi maleficij accusati essent: ⁱ in his enim quæ
 legationis tempore vel admiserant, vel cōtraxerant,
 nullo legationis priuilegio fruebantur. Verùm hoc,
 quod modò diximus, legatorum priuilegium ideo
 introductum erat, ne illi sese litis priuatæ molestia
 à negotij publici procuratione auocatos fuisse con-
 queri possent. Atque hoc ipso tempore non dubito,
 quin si è longinquis regni prouinciis ad comita-
 tum Principis municipes quidam euocati fuerint,
 eadem planè domum reuocatione vti debeant.
 Sed cum ^h qui legationis causa regni fines excedūt
 benignius etiam agitur moribus nostris: nam inte-
 rim omnia eorum negocia sustineri, & vsque ad eo-
 rum reditum differri, in omnibus iudiciis & tribu-
 nalibus consueuere. Præter Legatos iure Romano
 eam etiam domum reuocationem habebant, qui te-
 stimonij dicendi causa, vel tutelæ reddendæ gratia,
 vel ob aliud simile negotium Romam euocati fue-
 rant, nisi fortè Romæ, vel extra ciuitatem & pro-
 uinciam suam contraxisse dicerētur. ^k Quum autem
 agitur de loco, vbi quis conuēniri debeat, iure Ro-

h. l. Cōsen-
 sisse. P. se d si
 agant. D. de
 iudic. l. non
 distingue-
 mus. P. Ite
 si quis Ro-
 mæ. D. dere-
 ceptis arbit.
 i. l. non alias
 l. si legatio-
 nis. l. sed et
 si. D. de iud.

k. l. Cōsen-
 sisse. P. lega-
 tis. de iudic.

mano considerandum est, an is ex suo contractu, an ex aliena voluntate & dispositione conueniatur. Si quis ex sua obligatione promoveatur in iudicium, litigare cogitur ubi contraxit. Quamuis etiam domicilium alio in loco se constituisse dicat: Ibi enim, inquit Iuriscons. tutela reddenda est, ubi est administrata: & si tutor alibi domicilium habeat, attamen is qui rem aliquam vendidit, & cogitur euictionem prestare, non ubi contraxit sistere se iudicio debet, sed eo loco in quo lis inter petitem, emptoremque peragitur^m. Maritus quoque in exactione dotis, non ubi dotale instrumentum conscriptum est, sed ubi domicilium habet, in iudicium vocandus est à muliere, quæ nuptiis perfectis in idem domicilium transiit, idque ipsum repetitioni rerum suarum destinasse intelligitur. Præterea si quis rem emerit ab aduena mercatore, eoque qui loca diuersa peragrat, neque vlla certa sede pergulant erigit, aut aperit officinam, non is, si ob huiusmodi contractum agat, conuentionis aut rei gestæ locum spectare debet: sed mercatorem aduenam vsque ad domicilij sedem persequi cogitur, quum durum sit vagos huiusmodi & errantes homines, multisque peregrinationum periculis obnoxios, cogi se defendere, ubicunque ad exiguum temporis spatium constiterint, negotiandi, vendendique vel emendi gratiaⁿ. Quod si conuenerit ut aliquid certo loco peteretur, id ipsum & loco adiecto ex partium conuentione peti potest,

l. hæres. P.
si tutelam. P.
proinde.
l. argentarium. D. de
iudiciis.

m. l. venditor. D. de
iudiciis.

n. l. hæres.
P. proinde.
D. de iudic.

potest, & ibi præterea ubi reus fortunarum suarum sedem delegit atque constituit. Verum enimvero quum aliquis non ex suo contractu, neque ob rem à se gestam, sed propter alt-rius voluntatem dispositionem & testamentum hæres institutus in iudicium adducitur, tunc si testator ostendit, quo loco legata præstari veller, voluntas eius sequenda est, si animum in ea re suum non aperuit, ac species, resque certa est, & definita, videndum est quo in loco ea sita sit. Si autem non sit relictum certum ac definitum corpus, sed aliquid eorum quæ pondere, numero, vel mensura constant, ibi hæres conveniendus est, ubi maior hæreditatis pars sita est: vel ubi ipse domicilium suum constituit, electione posita in actoris arbitrio & voluntate. Nam si secus fieret, & in ea re arbitrium esset hæredis, verendum foret ne alterna loci mutatione actoris petitio semper eluderetur? Quod si contra hæc præcepta, aliquis actionem suam instituat, fori præscriptione submo-ueri potest, quam statim in iudicij limine obiici atque opponi convenit. nam iudicio cæpto, locum amplius non habet. Atque hæc omnia iure antiquo locum habuerunt: Nunc autem nec locus in quo res gesta & contracta est, neque ubi res sitæ sunt, considerandus videtur, sed generaliter ita iurgia, litæque finiendas Imperator edicit, ut actor forum rei spectet & consideret, siue in rem, siue in personam agere & experiri velit. Attamen in actio-

q. l. quod legatum D. de iudiciis. l. si fideicommissum, eod. l. unica, ubi fidei commis- sum petatur. Cod.

p. l. non vti- que. D. de eo quod certo loco.

q. l. si fidei commiss. D. de iudiciis. l. si quis aduocatus. C. de exceptio.

n. l. actor rei fori. C. ubi in re actio.

ne reali valet etiam persecutio facta eo loco, vbi res sita sunt & collocata, quanquam alibi reus habitet. Quod semper ita intelligendum est, vt in illa locorum alternatione actor non reus eligere debeat, quemadmodum suprà dixi: aliter enim reus tergiversatione sua consequi posset, ne vnquam secum efficaciter ^fageretur. Nec verò huic opinioni resistit, quod dicitur vulgò, in alternatiuis electionem esse non actoris ^t, sed rei. Hoc enim axioma de rerum alternatione, non locorum, intelligendum est. nec sanè iniuria. Etenim si quis Strichum aut Pamphilum promiserit, quamuis electio sit rei, tamen Pamphilo denegato, quasi electione consumpta vel facta potius, statim ad Strichum præstādum reus adigi atque vrgeri potest, eodem temporis puncto, eodémque loci vestigio. At si quis promittat se daturū Capuæ aut Ephesi, vtram ipse sedem locúmque elegerit, Ephesi conuentus dicere potest se daturum Capuæ, & contrà: sicque res & stipulatio tota nullum vnquam exitum habitura est, sed actor ineuitabili frustratione delusus, perpetuò reiicietur & repelletur. Præter litigatores locúmque iudiciij, persona etiā iudicis imprimis spectanda est. Iudex igitur esse potest & paterfamilias, & filiusfamilias, & furiosus etiam, si per interualla morbo animi careat, & planè conualescat^r. Quædam autem personæ sunt, quæ lege, aliæ quæ natura, vt impuberes: aliæ quæ moribus, vt mulieres, iudicare prohibentur. Rectè autem

Aristo-

f. Dicta l.
non vtique.
D. de eo q
certo loco.
r.l. vbi autē.
lobligat.D.
de verb.ob.

v. l. quam
prætor vnū.
l. quam fu-
riolus, D. de
iudiciis.

Aristoteles & sapienter, vt cetera, qui Iudices eligendos putat ἀριστίνδου, & πολυτίνδου, hoc est, virtutis & facultatum simul ratione habita. Iudex verò imprimis operam dare debet, vt sententiam ferat & legibus congruam, & re certam atque definitam, & verbis dilucidam atque apertam: quod re diu tractata, & diligēter considerata, facilè consequetur, si studio & industria eniti velit. At iudicādi via multò clarior & tutior est, quum litigator vterque iudicio adest, seque & litem suam præsenti animò ac studio tuetur. Quum autem vel vtraque pars abest, vel vna tantummodo se iudicio sistit, Quæritur quid hoc casu iudex sequi & statuere debeat. Id verò facillimè ex hac lege percipi & intelligi potest: cuius hæc verba sunt:

- „ PROPERANDVM nobis visum est, ne lites fiant
 „ penè immortales, & vita hominum modum excedant,
 „ cūm criminales quidem causas iam nostra lex biennio
 „ conclusit: & pecuniaria causa frequentiores sunt, &
 „ sæpe ipsa materiam criminibus creare noscuntur, præ-
 „ sentem legem super his per orbem terrarum nullis loco-
 „ rum vel temporum angustiis coarctandam ponere. Cen-
 „ semus itaque omnes lites super pecuniis quantacunque
 „ qualitatis, siue super conditionibus, siue super iure ciui-
 „ tatum, siue priuatorum, fuerint illatae, siue super pos-
 „ sessione, vel dominio, vel hypotheca, seu super seruitu-
 „ tibus, vel pro aliis quibusdam causis, pro quibus homi-

.. nibus inter se litigandum est, exceptis tantummodo causis,
 .. quæ ad ius fiscale pertinent, vel quæ ad publicas respi-
 .. ciunt functiones, non ultra triennij metas post litem
 .. contestatam esse protrahendas: sed omnes iudices, siue in
 .. hac alma Vrbe, siue in prouinciis maiorem seu minorem
 .. peragant administrationem, siue in magistratibus po-
 .. siti, vel ex aula nostra, vel à nostris proceribus dele-
 .. gati, non esse iis concedendum ulterius lites, quàm trien-
 .. nij spatio extendere. Hoc enim iudicialis magis esse po-
 .. testatis, nemo est qui ignoret. Nam si ipsi noluerint,
 .. nullus tam audax inuenitur, qui possit inuito iudice
 .. litem protelare.

NON

NON ESSE CONCEDENDVM
VLTERIVS LITES, QVAM TRIENNII
SPATIO, EXTENDERE.



IT Iustinianus, Lites omnes finiri trienio. Vt hoc Iustiniani axioma probè intelligi possit, & hæc disputatio rectè & ordine suscipiatur, videtur à definitione proficiscendum, quæ ostendit quid sit id de quo agitur. Lis igitur, siue

Instantia est, persecutio iuris aut actionis alicuius in iure facta, quæ libellis partium, & iudicariis actis, instrumentis que constat. Lis autem & instantia differunt ab actione plurimum. Nam actio ius est ipsum agendi, quam alio nomine rem^a, aut causam, aut quæstionem Iurisconsulti appellant. Instantia verò est, contextus & continuatio quædam rerum in iudicio gestarum. Itaque hæc quatuor, Causa, Res, Actio, Ius, synonymia sunt: ac rursus ista, lis & instantia vnum, idemque planè significant & notant. Quoniam tamen magna est inter actionem ipsam & instantiam siue litem affinitas, plerunque fit in iure, vt vnum pro alio sumatur: vnde illud Ciceronis profectum est, in orat. pro L. Murena, de Iurisconsultorum sciètia loquentis: Iam illud mihi mirum videri solet, tot homines, tam ingeniosos, per tot annos, etiam nunc statuere non po-

a. l. an eadē. D. de exceptione rei iudic. l. si quis. ad exhibendum.

tuisse, vtrum diem tertium, an perendinum, iudicem an arbitrum, rem an litem dici oporteret. Sic Cicero magnus ipse & perfectus Iurisconsultus, horum duorum verborum ambiguitate, Rei scilicet, & Litis, iurisprudentiæ oratorio more illusit: nec tamen ipse differentiam vtriusque non à vulgo, sed à Iurisconsultis cognitam ignorabat, quæ ex diuersis Iurisconsultorum locis colligi & deprehendi potest: vt quum ait Iurisc. Eadem res accipitur, & si pars eius petatur, quod totum petitum est: Et rursus, si quis ad exhibendum egerit non possidente aduersario, deinde eo nacto possessionem agat, rei iudicatæ exceptio non obstat, quia alia res est. Etenim in huiusmodi legibus quilibet facilè intelligit rem simpliciter, aut etiam rem iudicatam, nihil aliud esse, quàm causam, actionem, quæstionem iudicis sententiâ terminatam atque decisam.^b At verò lis, siue instantia, quemadmodum diximus, nuda est & simplex persecutio iuris sui ab aliquo facta instanter & sæpiùs, quemadmodum hæc Iurisconsulti verba declarant: Sufficit intra tempus petiisse dimissorias instanter & sæpiùs. Nam instantiam petentis constitutiones considerant. Lis ergo siue instantia triennio finiri, terminarique debet. Itaque si duæ inter se partes diu litigauerint, & vtraque pars per triennium integrum ius suum indefensum reliquerit, atque ab illius petitione & persecutione cessauerit, lis temporis spatio precepta, terminata & extincta est: quemadmodum

b. l. Siquis.
ad exhibend.
l. Siquis cū
totū. de ex-
cept. rei iu-
dic.

c. l. Vnica.
D. de libellis
dimissoriis.

dum tutela, cura, functio muneris publici, tempore finiri & terminari dicuntur: contra obligationum communium & priuatarum naturam & conditionem, quæ lapsu dici non pereunt, neque^d dissoluntur. Sicuti autem in actionibus quadraginta annorum spatium computari ait Imperator, ex eo tempore, ex quo nouissima processit cognitio, postquam vtraque pars cessauit: sic etiam peremptio instantiæ currit ex ea die, qua & actor & reus simul à iuris sui persecutione conqueuerunt & destiterunt. Verùm enimuerò huic nostro axiomati multa in libris nostris argumenta obstant atque occurrunt. Et enim si quis controuersum ius tractare velit, continuò dicet instantiam breuiori tempore, quàm triennio definiri & circumscribi^e. Argumento est constitutio Iustiniani, cuius etià Lex nostra meminit, in qua dicitur, Criminales causas omnimodo intra duos annos esse decidendas: & post lapsum biennium, reū haberi pro absoluto ac liberato. Sed hoc humanitatis intuitu introductum est, ne tergiversatio accusatoris diutius reum in vinculis & carcere detineret. Mirum est autem doctores hanc constitutionem de criminali iudicio huic nostræ contrariam & repugnantem existimare, cùm diuersitas illius lege nostra expressa & comprehensa sit. Obiicitur & constitutio Zenonis^f, in qua postquā edixit, ne illi, qui prouinciam administrant, ante quinquaginta dies prouincia excedant, aut ad alium magi-

d. l. Obligationum. D. de obli.

e. l. vltima, vt intra certum temp. Cod.

f. l. prima, vt omnes iudi. Cod.

• stratum aspirare conentur, postea addit: Intra vi-
 • ginti dies lites inter magistratum provincia decedē-
 • tem, & prouinciales esse finiendas. Verùm hæc con-
 stitutio nullo pacto nostræ resistit & aduersatur.
 Iudex enim qui litem vltra vigesimum diem produ-
 xit, multatur à lege: sed nulla inde oritur accusa-
 tionis peremptio, præsertim cùm Imperator dicat
 in lege eadem, legitimo spatio elapso, accusationem
 adhuc ab alio iudice, litémque examinari. Nec ma-
 gis contraria est, quicquid Doctores existiment, au-
 tentica, vt Clerici apud proprios Episcopos: Et si
 enim hoc loco dicitur clericorum lites vltra duorū
 mensium spatium non debere extendi, tamen hoc
 ad iudicis tergiuersationem puniendam valet tan-
 tummodò, non ad perimendam, tollendámque in-
 stantiam. Longè difficilior est iis omnibus lex pe-
 nultima Cod. de naufragiis, lib. vndecimo Cod. in
 qua dicitur, Nauicularium, qui ob mercium amif-
 sionem cōuentus fuerit, intra biennium iudicio per-
 sequendum esse: ac biennio tantum elapso eundem
 pro absoluto haberi. Vnde sequitur, vt hæc mino-
 ri spatio quàm triennio definiatur & terminetur in-
 stantia. Sed hæc lex specialem quandam rationem
 habet. Quamuis enim hoc casu aduersus nauicula-
 rium instantia p̄rempta, līsque extincta sit, ni-
 hil tamen deperit hac in re actori, qui postea ea-
 dem iudicij via, eodémque litis tramite, tantun-
 dem à iudice, iudicisq̃ue officiali siue ministro,

confe-

consequitur, quantum à nauiculario sperare poterat, nisi lis vitio cognitoris culpâque periisset. Quod autem attinet ad legem, Generali, C. de Decurionibus, in qua dicitur quæstionem de curiali conditione, ultra tres menses minimè producendam: illa lex non instantiam extinguit, sed tantummodò iudicem multat, qui ultra trimestre spatium litem huiusmodi producere & prolatare ausus est. Nonnulli etiam huic legis nostræ definitioni obiiciunt id quod dicitur ab Imperatore, incundam esse scilicet rationem legis & Falcidiæ intra annum spatium. Verum enimverò quamvis in illa autētica Imperator quæstionis & litis mentionem faciat, verborum tamen ipsorum series atque contextus satis ostendit confectio*n*i inuentarij tantummodo, non etiam instantiæ tempus hac lege præscriptum esse atque definitum. Quòd si quis dicat, in tutorum excusationibus intra dies quinquaginta rationem excusationis contestandam esse, & peragendo negotio quatuor menses tantummodo, non^h integrum triennium indulgeri: facilè responderi potest, id speciali quodam minorum priuilegio introductum, ne facultates eorum rectore & administratore diutius destitutæ dilabantur & pereant. Præter hæc quæ in speciem aduersari videntur, obiicitur & autentica, Qui semel, C. Quomodo & quando. quanquam in illa constitutione, si verba eius diligenter excutias, non biennium cum sex mensibus tantum litigato-

g. Authentica, sed cum testator. C. ad l. Falcid.

h. l. Quinquaginta. D. & Cod. de excus. tut.

ribus datur, sed integrum triennij spatium tribuitur
Quòd si secus esset, non Imperator ter annui spatij
mentionem faceret in ea constitutione, vt apertè &
expresè facit. Nam quod attinet ad l. cùm anterio-
ribus. C. de temporibus & reparationibus appella-
tionum, vbi dicitur causam appellationis biennio
circumscribi: quilibet, opinor, mediocriter in iure
versatus intelligit, non tam hoc legi nostræ repu-
gnare, quàm absurdum videri potuisse, si postquam
per integrum triennium litis decisio coram primo
iudice prolata & procrastinata est, adhuc in secun-
do tribunali ad alterius vsque triennij finem pro-
tenderetur. Præterea cùm principalis negotij discus-
sio integra in prima instantia communiter fiat, quis
non videt à legislatoribus secundæ instantiæ tem-
pus restringi & coarctari debuisse? Ex iis, opinor,
apparet, vix legem vllam reperiri, quæ instantiam
breuiori tempore, quàm triennio concludat. Sed
huic contrarius alter scrupulus iniici potest, An sci-
licet lis aliquando vltra triennium extendatur: at-
que hac in re nobis negotium facessit lex vltima,
Cod. de Præscriptione triginta vel quadraginta an-
norum: L. prima. L. Nec bona. de præscriptione
longi temporis. Etenim lex nostra post litem con-
testatam, vltra triennium instantiam produci vetat.
Lex verò illa vltima, de præscript. triginta annorū,
disertè edicit, vt qui semel litem contestatus est,
eam vsque ad quadragesimum annum liberè exer-
cere

cere & persequi possit: Quoniam, inquit Imperator, non similis est qui pēsitus ab initio tacuit, ei, qui in iudiciū venit, & certamen subit: litem verò implere atque exequi casu impeditus est. Sed harum legum conciliatio, quæ inter se ita contrariæ ac repugnantes videntur, dependet ab ea, quam initio constituimus, litis & actionis differentia. Etenim in nostra lege triēnium solum instantiæ & liti tribuitur: in illa altera non lis aut instantia ultra triēnium extenditur, sed actio & ius ipsum, quod ab instantia plurimum distare ac differre ostendimus. Nec verò hoc loco omittendum est, legis illius ultimæ de triginta vel quadraginta annorum præscript. usum nunc penitus nouissima Regis constitutione sublatū videri. verba hæc sunt Constitutionis regis:

„ Instantia capta, quamvis et contestatio litis accesserit,
 „ si perpetuo trium annorum silentio transmissa sit, nullam
 „ vim amplius habere potest ad actionem, et causam ipsam
 „ ultra legitimōs terminos protrahendam atque producendam:
 „ sed præscriptioni locus erit quasi lis nunquam in iudiciū deducta esset.] Quod si ita est, neque secundū constitutionem regiam lite perempta vis amplius contestationis vlla est, quæ actio ultra legitimū tempus suum extendatur: delenda est, opinor, è libris nostris iam illa Iustiniani constitutio ultima de præscriptione triginta vel quadraginta annorum, cum à similibus aliis constitutionibus. Etenim vel partes litem persequuntur & continuant, quo casu

i. l. de præscript. longi temp. l. longi temp. C. cod.

nulla actionis extensione opus est: vel per integrum
 triennium litem deserunt & derelinquunt. Qua in
 specie edicto regio prohibitū est, ne amplius conte-
 statio & instantia extincta longiorem actioni cur-
 sum tribuat, quàm illi ab initio lex antiqua concess-
 sit. Quòd si res tota familiari exemplo illustranda
 est, constituamus aliquem, cui realis actio compe-
 tebat, possessorem fundi decimo demum anno in-
 quietasse, litemque contestatum esse: deinde per
 tres alios annos integros causam deseruisse: si ius
 antiquum sequamur, ab anno decimo, quo conte-
 statio facta est, quadraginta alij noui anni compu-
 tandi sunt, vt præscriptio impleta dicatur: Si verò
 constitutioni Regiæ pareamus, post annum deci-
 mum tertium absolutum & cōpletum, ad summum
 septem tantummodo anni desiderabuntur, vt sese
 possessor efficaciter longa temporis possessione de-
 fendat. Nec verò dici potest, quantam iurispruden-
 tiæ labem constitutio illa nouissima absterferit:
 Quid enim ante illam Iurisconsulto indignius fuit?
 aut quid omnino absurdius, quàm triennij lapsu li-
 tem peremptam & contestationem extinctam fa-
 teri, quemadmodum Bartolus agnouit, & simul ta-
 men contestationi peremptæ & extinctæ vim tri-
 buere perpetuandæ & quasi immortalis reddendæ
 actionis? Præter has obiectiones, de quibus dixi-
 mus supra, videtur etiam ex sententia legis, Cum an-
 terioribus. §. si tamen. & autent. sed & lis, de tem-
 poribus

poribus appellationum, Cod. & l. quoties, vbi Senatores vel clarissimi, euidenter colligi, instantiam aliquando vltra triennium integrum porrigi & extendi debere. Quandoquidem dicitur in iis locis appellationis instantiam finiri biennio communiter: Sed si lis in sacrum Principis consistorium introducta fuerit, ait Imperator, litem huiusmodi perpetuari, neque fatalibus diebus obnoxiam amplius existimari posse. Quod si in causa appellationis æquum est, rationis similitudo desiderat idem in primo iudicio statui atque decerni. quam sententiam Bartolus ipse secutus est. Verùm hæc leges non tam contrariæ sunt, quam à se inuicem diuersæ & separatae: quæ quidem iuris diuersitas nemini, opinor, reicienda videbitur, qui rationem constitutionis attenderit & considerauerit apud se. Etenim, inquit Imperator, iniquum est propter occupationes florentissimi ordinis, quas circa pietatis nostræ ministeria habere noscitur, causas hominum deperire: sed illi qui Iurisprudentiam in scholis delitescentem ex umbra illa in lucem forensensem educere conantur, quærent hoc loco fortasse, Lísne, quæ in supremum Franciæ Senatum vel per appellationem, vel prima libelli oblatione introducta est, quasi in consistorium Principis deducta sit, sine vlllo peremptionis discrimine continuata intelligatur. Qui hac ratione litem perpetuatam existimabit, satis probabiliter allegare poterit supremum

k.l. Ius sena-
torum. C.
de dignita-
tibus.

Gallia, vt nos loquimur, Parlamentum verè Consi-
storium Principis appellari posse, præsertim cùm in
illo Regis consanguinei iure naturæ, Pares verò
Franciæ ratione dignitatis ius dicendæ sententiæ
habeant: ac Rex aliquândo cum illis, cæterisque Se-
natoribus communicato consilio, ius pro tribunali
sedens reddere soleat: hac in re exemplum Roman,
Imperatorum secutus, qui sibi munus illud iuris
reddendi, vt verè Imperatorium^k sumere & vsur-
pare consueuerant. Præterea dicet fortasse, cùm à
Senatu vniuerso propter graues occupationes liti-
bus decidendis minùs intento appellari non possit,
iniquum esse litigatorem priuatum publicæ admi-
nistrationis incommodo & detrimento affici. Nec
præteribit, opinor, differentiam aliquam inter iudi-
ces pedaneos, ac suprema tribunalia constitui oport-
tere. Qui verò contrariam opinionem tuebitur, ces-
sare rationem legis in Senatu Franciæ dicet, cùm ille
sit præcipuè iurisdictioni intentus & destinatus: ne-
que, vt olim, Consistorium Principis incertis die-
bus, sed certis, statisque temporibus cogatur: nec
ius litigatoribus denegare, aut alias suas occupatio-
nes causari soleat. Addet fortasse præter hoc quod
nos Parlamentum dicimus, esse & aliud Principi no-
stro Consilium secretius, quod propiùs ad exèplum
Romani cōsistorij accedat, & in quo lex Iustiniani,
quæ peremptionem litis sustulit, sibi optimo iure
locum vindicare possit. Nos verò, quoniam hæc
quæstio

Quaestio magni admodum momenti est, neque tam Iurisconsulti disputationem aut sententiam, quam Principis edictum & constitutionem desiderat, rem totam in medio relinquemus. Sanè hoc vnum citra ullam temeritatis notam affirmare possumus, quotiescunque lis in Senatum introducta est, & suis omnibus numeris absoluta, ac planè instructa, nullam amplius litigatoris negligetiam accusari posse, quamvis fortasse per longissimum tempus causa indecisa remanserit: nam neque senatui vis afferri potest, neque à supremo illo ordine appellari, quin admodum à pedaneis iudicibus prouocare consueuimus, si illi in officio suo negligenter versari, & ius petentibus denegare videantur. Sed quoniam secū dum omnes iuris regulas instātia omnis finitur triēnio, quando id spatium perpetuo vtriusque partis silentio transmissum est, Quæritur ita finita instantia, quid consilij actor capere debeat: & certum est ei omnia causæ acta redintegrandā ac renouāda esse, ita vt & iterum aduersarium in ius vocare debeat, & actionem suam edere, & litem contestari. Si quæ tamen acta sunt, quæ litem ipsam definiant ac determinent, vt partium mutæ confessiones ac testium depositiones, huiusmodi res perdurare, atque illibatas firmasque remanere Bartolus existimauit: Quamquam id nullo certo iure cautum sit, & nulla penitus lege expressum: sed vbi ius deficit, tanti doctoris ac magistri opinionem & sententiam sequi non pi-

get: præfertim cùm hæc opinio argumento legis vltimæ de testibus. Cod. quodammodo fulciatur & adiuuetur: in qua vult Imperator vt testimonia audita ab arbitris, arbitrio etiam dissoluto, coram iudicibus ordinariis fidem aliquando faciant. Atque hoc loco Doctores aliam rursus quæstionem non valde necessariam, nec tamen omnino prætermittendam mouent: An scilicet sententia à iudice post triennium lata tantum roboris habeat, vt etiam ab ea appellare sit necesse: Qui ab huiusmodi sententia appelladum putant, vtuntur autoritate Iurisconsulti, in l. Cùm putarem. D. familiæ erciscundæ. cuius hæc verba sunt: Videris eo moueri, quòd non est iudicium familiæ erciscundæ nisi inter cohæredes: sed quamuis non sit iudicium, tamen ad impediendam repetitionem sufficit, vt quis se putet condemnatum. Præterea sententiam proferunt Modestini, in l. Præses, D. de re iudicata, vbi quanquam iudex reum in vsurarum vsuras condemnauerit, contra leges & sacras constitutiones, tamen ab huiusmodi sententia Modestinus prouocandum putat. Et rursus, inquit, Callistratus sub eodem titulo, l. Cum prolatis, ait sententiam contra sanctiones principum dictam, rei iudicatæ vim habere. Postremò addunt Zenonem in constitutione illa celeberrima, vt omnes iudices, voluisse quidem vt intra viginti dies causæ Iudicum prouinciis decedētium terminarentur: Sed nihilominus post illud tempus litis persequendæ

quendæ & sententiæ obtinendæ facultatem litigatoribus eundem Imperatorem reliquisse demonstrant. Quibus argumentis breuiter responderi potest, Modestinum & Callistratum de iudiciis loqui contra constitutiones quidem prolatis, sed non contra eas leges, in quibus sententiæ ferendæ regula & quasi norma tradatur: cuiusmodi lex nostrâ est, atque ideo à iudice violata, sententiam eius omnino subuertit ac labefactat, vt ab huiusmodi decreto non necesse sit prouocare. Nam quod ad constitutionem Zenonis attinet, illa quidem viginti dies constituit ad Iudicum causas examinandas, sed spatio illo temporis elapso, nullam instantiæ litisue peremptionem inducit: ita vt nihil huiusmodi sanctione legi nostræ contrarium aut repugnans contineatur. Præterea hac in re communis opinio, quæ nullam appellationem desiderat, defenditur autoritate legis secundæ, Cod. quando prouocare non est necesse: in qua dicitur, Iudicem, qui sententia suâ expresserit, adolescentem minorem quatuordecim annis testari posse, nihil planè egisse: & alio loco Imperator disertè dicit, probatam sententiam contra solennem iudiciorum ordinem vim rei iudicatæ minimè obtinere. sed vtum à sententia prouocare oporteat, an verò illa ipso iure nulla sit, nostra parum hodie refert, qui moribus nostris à quacunque sententia prouocandi necessitate astringimur. Itaque longè vtilius est scire, an litigatoribus aduersus peremptionem instantiæ

I. l. Prolat.
C. De sententiis.

restitutio indulgeri debeat. Quæ in re statim initio nobis occurrit lex, Nemo arbitretur. C. de temporib. appellat: cuius hic sermo est: *Nemo arbitretur in posterum licentiam futuram consultationibus vinendi ultra statuta temporis spatia, neque per oblationem precum, neque per sacrum rescriptum super reparatione temporis indulgendum.* Quæ quidem lex, quâquam de biennio in persequendis appellationibus solèni tantummodo loquatur, atque illius lapsus neget rescripto Principis posse corrigi: tamen quod de secunda instantia dictum est, id ad primam extendi rationis similitudo postulat. Præterea ut aduersus peremptionem instantiæ restitutio denegari debeat, maioribus præsertim, videtur ex ultimo legis nostræ paragrapho cõcludi posse. Etenim si minoribus, aduersus quos nullæ legitime præscriptiones^m currunt, cõtra peremptionem litis restitutio minimè cõceditur, nisi tutorum suorum inopia fraudati sint, multò magis huiusmodi auxilium ac beneficium maioribus natu denegandum est. Huc accedit & regia Francisci magni cõstitutio, quæ restitutiones aduersus peremptionem instantiæ omnino reiicit, earumq; in rebus iudicandis rationem haberi verat. Nec verò hac lege perlata amplius inquirendum existimarem, nisi huiusmodi constitutio semper inter eas sanctiones habita esset, quas Græci νόμους ἀνέλετες, hoc est, leges infirmas, & quasi cõtrario vfu abrogatas appellant. Quod si in Gallia, quemadmodum olim Athenis,

Thesmo-

m. I. Sanxi-
mus. C. in
quibus caus.

1. 1. 1. 1.
1. 1. 1. 1.
1. 1. 1. 1.

Æschines in
Orat. υπὲρ
τῆς ἀντιθέσεως, cõ-
tra Demo-
sthenem.

Theſmothetes eſſet, qui in legibus noſtris euoluen-
dis aſſiduus, contrarias inter ſe, bis repetitas, & aliàs
uſu inualidas annotaret, magis fortaiſſe propitium
nobis Eunomiæ numen haberemus. Sed utcun-
que ſit, certum eſt poſt eam legem latam, apud nos reſti-
tutiones aduerſus peremptionem inſtantiæ paſſim
indulgeri ſolitas: atque ut ingenuè dicam hac in re
quod ſentio, veriſſimum eſt Dionyſij dictum, Ciui-
lia ſcilicet iura mutari poſſe, naturalia verò nūquam
immutari neque abrogari. Quid autem tam ſecun-
dum naturam eſt, quàm eum, qui per longum tem-
pus iuſto metu à lite perſequenda deterrius fuerit,
vel Reip. cauſa abfuerit, vel diu in vinculis, ſeruitute
hoſtiumve poteſtate remaſerit, poſt litem ſine cul-
pa ſua extinctam Principis beneficio ſubleuari: præ-
ſertim ſi vel metus adeò continuus, vel calamitas ita
diuturna fuerit, ut peremptionem inſtantiæ, actio-
nis quoque & cauſæ ipſius interitus conſequatur.
Nos igitur hac in re doctōrum hominum authorita-
tem ſequuti, in his cauſis maiores aduerſus perem-
ptionem inſtantiæ reſtituendos arbitramur, in qui-
bus perpetuo edicto Prætor eis ſuccurrere voluit, ſi
cui eorum dies actionis exiſſe diceretur. Nec verò
huic ſententiæ Juſtiniani voluntas, in l. Nemo arbi-
tretur, penitus reſiſtit. Etenim cūm Juſtinianus pre-
ces admittendas negat eorum, qui aduerſus lapſum
biennij reſtitutionem poſtulant, Imperatorem ego
de præcibus tātūm iniquis & iniuſtis loqui affirma-

re ausim, non autem de his, quæ & generali prætoris edicto, & naturali æquitate nituntur. Ad extremum dubitari potest, quia peremptio instantiæ, non maioribus tantum, sed etiam minoribus nocet^a. An triennium, de quo locuti sumus, latius & benignius accipiendum sit, ut ex eo feriarum dies, hique, quibus Iudex non sederit, deducendi sint. quemadmodum in petenda bonorum possessione^o deducuntur. Sed quoniam disertè Imperator in leg. 1. Cod. de feriis, ait, appellationis instantiam propter interiectos feriarum dies non prorogari, quod de biennio appellationis dictum est, id in primæ instantiæ triennio statuendum quoque existimamus. *Et si quidem*
pars actoris cessauerit, quatenus multiplici actione reus
fatigetur, &c. Superiori paragrapho de peremptione instantiæ dictum est, quæ accidit, quum lis ab utraque parte derelinquitur & deferitur: in hoc capite sequenti præcipit Imperator, quum actor abest, reus autem se iudicio sistit, quid statuere Iudex, &
quid sequi debeat. Volumus partem fugientem ab
observatione iudicij relaxari, & actorem in omnes expensas condemnari. Hoc loco edicit Imperator, ut si Iudex ex actis, instrumentisque à reo productis finem controuersiæ imponere nequeat, saltem reum præsentem absoluat ab observatione iudicij, hoc est, ut eum tutum à iudicio, securumque dimittat, quoad noua in ius vocatione ab aduersario suo laccessitus fuerit. Annotandum est autem hoc loco,

reum

a. Parag. ultimo, in hac l.

o. l. vltima, D. quis ordo in bonorum possessione.

reum ab Imperatore Byzantino partem fugientem, non tam Latino, quàm Græco idiomate appellari. Etenim Græci, actores τοὺς δικάζοντας propriè appellât, defensores verò τοὺς φερόμενους, vt satis ex his verbis Platonis apparet in Eutyphronte: ἐστὶ δὴ σοι, ὦ Εὐτύφρων, τίς τί δίκη; φερόμενος αὐτῷ, ἢ δικάζεις; Quæ tibi lis est, ô Eutyphron? fugis ne in iudicio, an persequeris?

• Sin autem ex gestis apud se habitis possit inuenire viam,
 • qua manifestum ei fiat, quid statuendum sit, etiam
 • absente actore pro eo ferre sententiam non moretur. Ve-
 • tus hoc & peruulgatum est, Iniquum esse, causam ali-
 • quam iudicari, parte inaudita altera. Vnde Athenis in sacramento Iudicum solenni, vt ait Demosthe-
 nes, παρὲς τοῖς ἄλλοις δικάζοις ἐ τῷτο γέγραπται, ὅ ὁμοῖως ἀμφοῖν ἀπροῶντος. hoc est: Præter cætera illud etiam ascriptum est, in sacramento Iudicum, vt iudices iu-
 rent sese æqualiter vtramque partem audituros. Hac ratione ducti Romani Legislatores initio decreuerunt, vt si is, qui edictum peremptorium impetrauerat, hoc est, actor, abesset die cognitionis: is verò, aduersus quem impetratum erat, adesset, p̄ circumdu-
 ceretur edictum, neq; de causa cognosceretur, præterquam in quæstione liberali, in qua etsi persona deesset cognitioni, quæ alicui status controuersiam faciebat, electio deferrebat aduersario, vtrum mallet cognitionem circumduci, an audita causa sententiam proferri. Verùm huius paragraphi sanctione, id quod fauore libertatis constitutum fuerat, ad alias

in oratione
 παρὲς τοῖς ἄλλοις

p. l. Er post
 edictum. D.
 de iudiciis.

q. autē. qui
semel. C.
quomodo &
quando.

omnes lites productum est, ut iam actore absente vel secundum reum, vel ^q contra reum pronunciari debeat. *Sin autem reus absuerit, & similis eius processerit requisitio, Iudex secundum quod veteribus legibus cautum est, etiam contra absentem promovere condemnationem non cesset.* Quæri hoc loco potest, cur secundum veteres leges actore absente nihil pronunciari possit, reo autē absente de controuersia iudicaretur. Sed huius rei ratio minimè in obscuro est: Actor enim in iudicium paratus & instructus venire debet, atque ab eo iudex præcipuam causæ cognitionem petere cogitur. Quod cum ita sit, non sine ratione veteres actore absente sententiā suam & litis decissionem sustinebant. De reo idem dici non potest, qui petitionem aduersarij tantummodo excipit, & sola argumentorum repulsione utitur. Reus ergo si absit, causa à Iudice cognita, tam veteribus, quàm nouis legibus condemnari potest. Quod in ciuili iudicio tantummodo locum habet, iure Romano: Nam in criminali neminem vnquam absentem ^r Romani condemnabant: sed illius tantummodo bona iussu magistratus annorabātur, nisi fortè quis apparitor esset. Etenim huiusmodi hominum genus vulgo diffamatum, communi aliorum priuilegio ^f & legis beneficio carebat. Quod autem ait Imperator, absentem capitali crimine minimè accusari, in lege, absentem. C. de accusationibus, id profectū est ex antiquis legibus populi Rom.

r. l. absente.
C. de accusationibus.
l. si quond.
de adulter.
Cod.
l. si maritus.
P. legis Iulix. D. de adulter.
f. l. nediu. C. de pœnis.

ac iure veteri, ut Imperator ipse loquitur. Et enim apud priscos Romanos, qui condemnationem iudicium effugere volebant, sponte exhibant in exilium: & ut inquit Cicero in orat. pro domo sua, exilium calamitatis nomen erat, non turpitudinis. Vnde apud T. Livium lib. 3. Quum Quintius Cæso accusatus homicidij, in Thuscum exilium abiisset, iudicij die excusatus est, exilij causa solum vertisse: neque vlla adversus ipsum Cæsonem condemnatio secuta est, sed à patre illius tantummodo pecunia exacta, quã datis vadibus promiserat, si filius absens iudicio defuisset. idemque quoque de Cnæo Fulvio perduellionis reo, idem Livius libro sexto scriptum reliquit. Non negaverim tamen aliquando condemnatis exilij pœnam irrogari solitam, eisque recto, aqua, & igni interdici, ut satis hæc Sallustij verba indicant, in libro de cõiuratione Catilinæ: Lex Porcia condemnatis non animam eripi, sed exilium permitti iubet. Duplex autem apud Romanos exilium fuisse, vnum quod sponte susciperetur ab accusatis aut accusationem timentibus: alterum quod condemnatis irrogaretur, colligi potest ex iis Ciceronis verbis in orat. pro domo sua: Exilium calamitatis nomen est, non turpitudinis. Quando igitur turpe est, reuera est turpe, quum est pœna peccati: opinione verò hominum, quum est pœna condemnati. *Et ex eo legitima via contra res cõtumacis aperiatur.* Quum reus est absens, iudex, si ei de cau-

sa liqueat ex parte actoris, sententiam ferre potest, sed tamen nulla iudicandi necessitate astringitur: sed et simpliciter licet actor in possessionem mittere earum rerum, quæ ad defensores pertinent: quia ea ratione veteres existimantur contumaces celerimè ad se defendendos cogi & compelli posse, si extranei rerum suarum possessionis lædio molestiæque afficerentur. Hæc autem missio in possessionem frequens est in iure Romano, non tantum si quis absit & latitet, neq; se defendat, sed etiam si aliis in rebus iuri & legibus parere nolit: ut si quis de damno infecto eavere recuset, & adversarius in possessionem ædium mittitur: si quis hæres institutus sese soluturum legata minime promittat, legatarios in bonorum possessionem venire prætor voluit. Verum hæc possessio, de qua loquimur, minime possessoris fructuam dominum efficit: sed possessor, quicquid ex redditu fundi percepit, id omne proprietario reddere & ac restituere cogitur, nisi fortè domini nimia quædam petuiticia & contumacia arguatur. *Nec si reuersus fuerit, & voluerit fideiussores dare, & possessionem recuperare, audietur.* Ait Imperator hoc loco, illum, cuius bona propter contumaciam posseta sunt, redeuntem postea, & res suas recuperare cupientem, fideiussoribus datis minime audiri. Quod quidem videtur iuri communi contrarium: Etenim vulgò dicimus, antequam lis contestata sit, moræ purgationem admittendam: præterea in Au-
tentica

t. l. Fulcin.
P. ultimo.
Quibus de
caus. in poss.
sess. earum.
l. i. C. quomodo &
quando. l.
Consentaneum. C. eodem.

v. l. si finita.
P. ex hoc edicto, de dāno infecto.
x. l. l. ut legatorum vel si
dei nomine
caueatur.

y. Fulcinius
in principio,
Quibus ex
caus. in poss.
eatur. l. prætor. de bonis
autoritate
iudicis possi
dendis. l. Ful
cinius. P. ult.

rentica, Et qui iurat, de bonis autorit. iud. possidet
 dis, & in l. Si quis emptionis, Paragrapho Sed & si
 quis, de prescriptione triginta annorum, Imperator
 diserte ait, eos, quorū bona propter absentiam pos-
 sessa sunt, redeuntē postea, & sese iudicio offeren-
 tes, audiri debere. sed leges istae quae nostrae consti-
 tutioni in speciem contrariae videntur, intelligendae
 sunt, quum litigator reuersus non tantum fideiussor-
 res dare, sed & se ipsum defendere paratus est. Lex
 verò nostra loquitur de his, qui se sola satisfactione
 oblata defunctos esse arbitratur, & iudicij diem obi-
 re detrectant. *Terribiles proponantur scripturae.* Terri-
 biles scripturas vocat edicta, quorum vnum initio
 petebatur, deinde alterum, mox tertium, & postre-
 mō peremptorium edictum, in quo iudex commi-
 nabatur etiam aduersa parte absente sese cognitu-
 rum, & sententiam dicturum ad tollendam penitus
 & perimendam controuersiam. Ea autem edicta ad-
 terrendos litigatores proposita iure veteri decem-
 dierum tantummodò interuallum habebant, sed id
 spatiū constitutione Iustiniani ad triginta dies pro-
 ductum est & prorogatum. *Quum ei qui contumaci-
 ter abesse noscitur, nulla sit prouocationis licentia.* Con-
 tumax est, inquit Iurisconsultus, qui tribus edictis
 propositis, vel vno pro tribus, euocatus praesentiam
 sui facere contemnit: quum neque aduersa valetu-
 dine, neque fontico morbo, neque alia probabili
 causa impediatur. Qui autem ita condemnatus est

cap. D. r. l. 2
 l. 1. §. 1. l. 1. §. 1.
 de iudic. l. 1.
 §. 1. l. 1. §. 1.

z. l. ad per-
 emptorium &
 sequentib.
 de iudiciis.

a. autē. qui
 semel, C.
 quomodo
 & quando.

b. l. Con-
 tumacia, l.
 quæ situm. l.
 in summa.
 D. de re iu-
 dicata.

c. l. i. C. quo
rum appel-
lationes nō
recip.

sententia Iudicis, ab ea prouocandi nullam omnino
licentiam tribuit: Nec tali constitutioni contraria
est lex Sanximus, hoc titulo, in qua dicitur, cōtuma-
cē refutis impēis ad causam dicendam admittē-
dum. Hoc enī misit in iurum fuerat in illa lege, quē
loquitur tantummodo de cōtūmaciā pūiēda an-
te sententiam prolatam, non iudicio iam peracto &
absoluto. Nam quod attinet ad l. Creditor. §. Iussus.
D. de appellationibus, minime illius sententia con-
stitutioni nostrae aduersatur. Etenim lex nostra lo-
quitur de eo, qui ab omni iudicio contumaciter ab-
fuit: lex Creditor, de eo, qui ad tribunal quidem iu-
dicis venit, sed quaedam instrumenta litis iussus à iu-
dice exhibere, vel noluit, vel non potuit. Itaque mi-
rum non est si litigatori huiusmodi naturale appel-
lationis auxilium minime denegetur. *Litigatoris ab-
sentia, Dei praesentia suppletur.* Dictum hoc est ma-
gni Imperatoris, qui in iudiciis hominū Deum prae-
sentem interesse testatur, cūque Iudicum decreta
iusta & iniusta quasi speculari & cōtemplari. Quam
in sententiam praeclare M. Tullius scripsit lib. 3. de
Off. Cū Iudici sententia iurato dicenda erit, me-
minerit Deum se adhibere testem, & mentem suam,
qua nihil homini dedit Deus ipse diuinius. Huc pro-
ximè accedit versus Hesiodi antiquissimi & sapien-
tissimi Poetae: *Ὁ βασιλεὺς, ὑμεῖς δὲ χεῖρα φερέεσθαι καὶ αὐτοῖ
Τῷ δὲ δίκην ἐχέτε γὰρ εἰ ἀνδρῶ ποιοιτέοντες*

Ἀθανάσι

Ἡ Ἀθὰναῖοι λώσονται, ὅσοι σχολῆσι δίκησιν.

Ἄλλοις τελέωσι, καὶ ὅτι οὐκ ἀμέλειται.

Τελεῖ γὰρ μὲν οἱ εἰσιν, ὅτι δὲ πούλιν πορεύονται.

Ἀθὰνατοι βρώσας, φυλάκας, διηκῶν αἰδεσθῶν,

Οἱ βὰ φυλάκας, ὅτι δὲ διηκῶν αἰδεσθῶν.

Siue autem sciant omnes, victum in expensas victori esse condemnandum. Hoc in iure perpetuum est, ut victus victori expensas & viatica solvere cogatur. Si tamen Iudex huiusmodi condemnationem omiserit, quoniam est tantum principalis causæ appendix & accessio, nulla prouocatione secundum iura vetera vtendum est: sed iudex hanc quasi prioris iudicij accessionem principali & condemnationi adficit. Neque verò ullus in iure locus est, in quo is, qui causam obtinuit, expensas amittat, nisi actor absens reum præsentem fortè vicerit: quoniam enim petitor eo casu iudicium à se institutum deseruit, sumptuum & expensarum amissione mulctatur. Sin autem utraque parte imminente, vel propter amicitias vel inimicitias, vel turpissimi lucri gratiâ Iudex litem ausus fuerit protelare. Aduersus Iudices, qui in officio deliquerunt variæ sunt pœnæ constitutæ. Etenim si Iudex ignoratione iuris, & imperitia lapsus fuerit, quo casu propriè litem suam fecisse dicitur, neque ex contractu tenetur, neque etiam ex maleficio: arbitraria tamen quadâ pœna affici debet: Si verò vel odio, vel gratia ductus, vel etiam pecunia corruptus malè iudicauerit, propriè dicitur in Legem Iuliam

d. l. q. solidum. P. etia Respub. de legatis 1.

l. eum quæ. de iudic. D. T. de pœna temerè liti. Institut.

e. l. termina to. de fructi. & litiu expens. Cod. Lomne honorè. Quando prouocare non est necesse. l. ult. de fructibus & liti. expens.

f. l. si iudex. de variis & extraor. cognitionibus Institutionibus. de obli. quæ ex delicto nascuntur g. l. Lege Iul.

temetur. D.
ad l. Iul. re-
petundarū.
l. ult. de po-
na iudicis
qui male iu-
dicauit. C.

repetundarum incidisse, quam Cicero in orationi-
bus in Verrē, arcem gētium exterarū, & portum so-
ciorū esse dicit. Neq; enim hac lege soli iudices per-
perā iudicantes, sed etiam pratores in prouinciam
missi, & omnes gētium ac nationū rectores teneban-
tur. Sed nescio qua iuris ignorance factum est, vt
vulgò iudicem corruptum in crimen priuatum de
concussionibus incidisse existimemus. Verū hoc
crimine non iudices improbi, sed potiùs temerarij
accusatores, vel sententiarum executores obligan-
tur, vt facilè colligi potest ex l. vltima. D. de con-
" cussionibus, cuius hæc verba sunt: Concussionis
" publicum iudicium non est: sed si ideo quis pecu-
" niam accepit, quòd crimen minatus sit, potest &
" publicum iudicium esse. *Illo proculdubio obseruan-*
" *do necessitate aduocatis imponenda, ex quo litem susce-*
" *perint, eam vsque ad terminum implere.* Aduocatus
qui semel alicuius patrociniū suscepit, deferere
illud nō potest^h: imò cogi debet à iudice vt ad cau-
sam defendendam accedat: nisi fortè inter clientem
& patronum capitalesⁱ inimicitia interuenerint:
quod non tantū in causis ciuilibus, sed etiam
multò magis in criminalibus iudices Romani ob-
seruabant. Itaque si accusator ab accusatione ci-
tra abolitionem destitisset, incidebat in Senatus-
consultum Turpilianum: Sed abolitione petita vel
interueniente ob diem insignē, latitiāve publicā,
accusator impunè ab accusatione desistere^k pote-
rat.

h. l. prouidē-
dum. C. de
postulando.

i. l. filiusfa.
C. de procu-
ratoribus.
Para. finali.

k. C. l. r. ad
senatuscon-
sultum Turpilian.

rat. Quo fit ut non satis propriè vulgò loquantur, qui reo alicui à Principe abolitionem criminum concessam dicunt. Venia enim quæ à Principe datur accusatis, non abolitio est, sed in integrum restitutio, neque in gratiam reorum abolitio olim dabatur, sed tantummodo in favorem accusatorum, qui ea minimè sibi indulta ab accusatione desistentes, in pœnā Senatuscōsulti Turpilianí¹ incurrerent. Itaque abolitio in iure nihil aliud est quàm defendendæ vel derelinquendæ accusationis venia à iudice solenniter impetrata. *Honorariis omni modo disertissimis aduocatis ab iis qui dare possunt præstandis & exigendis.* Honoraria aduocatorum iure quodam præcipuo cēsentur, ita ut de his Prætor ipse vel præfēs olim extra ordinem cognosceret: quemadmodum de salariis medicorum & professorum, aliarumque huiusmodi personarum, quarum in vita humana frequens admodum & necessarius usus est: neque alterius, quàm Prætoris, & magistratus ipsius cognitioni subiiciendus & committendus: quamquam Prætor cætera negocia non ipse examinare, sed iudicibus^m mandare consuevisset. Atque hoc loco omittendum non est, olim apud Romanos lege Titia cautum fuisse, nequis ob causam orandam pecuniam donumve acciperet: ne quemadmodum vis morborum pretia medentibus, sic fori tabes pecuniam aduocatis afferre videretur. Quam quidem legem nonnulli sub Claudio Cæsare renouare co-

l. Toto tit.
de abolit. Q.
abolitio.
T. de senten-
tia pacis.
C. l. 1. & l.
generalis.

m. l. prima,
de variis &
extraord. co-
gnit. D. T.
quando Im-
perator in-
ter viduas
cognoscat.
Cod.

n. l. prima.
P. si verò. D.
de variis &
extraor. co-
gnitionib.

nati sunt: sed illius temporibus patronis resistentibus, huiusmodi rogatio impedita est. Princeps tamen, quemadmodum Corn. Tacitus scribit, pecuniis posuit modum usque ad dena sestertia, quæ egressi repetundarum tenerentur. Vlpianus verò licitam honorarij quantitatem esse inquit, pro singulis causis, usque ad centum aureos ^a. *Sin verò causa, vel pupillorum, vel adulatorum sint, litem nihilominus suam habere vigorem, omnem autem iacturam ad eorum tutores redundare.* Hoc loco ait Imperator, causam minorum & adulatorum etiam triennio perimi. Hoc ipsum enim verba hæc Imperatoris denotant: litem suam habere vigorem. Neque hoc loco lis pro actione sumitur, ut Accursius existimat, sed pro lege lata de peremptione litis, quemadmodum verba subsequencia apertè indicant: sed hac in re negotium nobis facessit l. ultima, C. in quibus causis, quæ apertè ostendit præscriptiones nullas aduersus minorem currere, exceptis triginta & quadraginta annorum præscriptionibus. Quomodo igitur, dicet quispiam, triennij lapsus minori nocere, aut litis peremptio obstare potest? Huic argumento respondendum est, opinor, decem & viginti annorum præscriptionem aduersus minorem non currere: quia hæc præscriptio admissa ius omne agendi minori tolleret & adimeret. At verò peremptio instantiæ ius actionis renouandæ non tollit neque adimit, ut minores hoc casu multò minùs, quàm superiore lædantur

lædantur & offendantur. *Sin autem non sufficiat pupil-
lis tutorum substantia, tunc in id, in quo fuerint detri-
mentum perpeffi, restitutio superest.*] Videtur hoc in
iure ratum esse ac perpetuum, vt minor negligentia
tutoris læsus duplex auxilium habeat, tutoremque
conuenire, & res sibi ereptas vindicare possit. Neque
ex duobus illis remediis ° vnum alterius electione
consummatur. Cur igitur hoc loco ait Imperator,
minorem non passim neque promiscuè aduersus
litis peremptionem restitui, sed tantummodo si
tutor inopia labore, neque omnino eius facultati-
bus minori satisfieri possit? Huius, opinor, diuersi-
tatis ratio est, quam supra attigimus, quòd scilicet
non perinde minor peremptione litis ac cæterarum
rerum amissione lædatur. Etenim lite perempta ius
semper agendi saluum atque integrum minori re-
linquitur. Iure igitur minoribus malis leuiora quo-
que legum auxilia & remedia Legislatores adhi-
beri volunt.

o. l. etiam
in his. l. etiã
tutor. C. si
tutor vel cur
interuene-
rit.

G



DISPUTATIO DE IURE
VENATIONIS IN GALLIA.

Argumentum.

ITIVS quum latifundia magna occuparet, & eorum non tantum proprietatem, sed etiam iurisdictio ad Titium pertineret, Cornelio fundum particularem dedit in feudum, nulla in eum iurisdictionis sua parte translata, quam penes se integram & uniuersam retinuit. Cornelius quum beneficium illud purum & simplex à Domino accepisset, petiit ut sibi in suo feram inuestigare, & repertam semel etiam in alieno persequi liceret cum feudi iure, tum sanguinis & nobilitatis: propterea quod, ut aiebat, venationis ius in Gallia nobilioribus personis concessum est, ut hac, quasi gymnastica, ad rem militarem promptiores reddantur: Dominus verò, qui feudum retento clientis obsequio concesserat, & sine ulla iurisdictionis translatione, venandi ius ad se unum pertinere, & clienti planè interdictum esse contendebat: unde celebris inter Dominum & clientem controuersia exorta est.

O R A -

ORATIO TITII, AD QVEM
EVNDVS DOMINANS PERTINET.



NON iniuria Xenophon ait, *οἱ*
ταῖς κενταύροις, Viri amplissimi, *οἱ*
μὲν ὕπνῳ καὶ ἄν' ἀπ' ἀλλήλων καὶ ἄρτε-
μίδος ἀγροῖ: inuentio Deo-
rum est, Apollinis & Dianæ, ve-
nationis canumque studiū: quo
quidem vehementer incensos
fuisse idem Xenophon testatur insignes illos & ab
Homero celebratos ac decantatos Heroas, Cepha-
phum scilicet, Melanionem, Nestorem, Amphia-
raum, Peleum, Telamonein, Meleagrum, Hippo-
lytum, Palamedem, Theseum, aliosque complures:
vt faciliè appareat venationem oliu non abiectis
aut vilibus personis concedi solitam, sed proceri-
bus tantummodo, & hominibus omnium primis.
Quò certè indignius est, aduersarium nostrum, cui,
vt ait Poëta, *Littus arandum*, *Cuique loci leges de-*
dimus: & qui perpetui cuiusdam coloni personam
sustinet, sibi hoc venationis ius asserere & vindicare
voluisse. Et si enim aduersarius nobili stemmate or-
natus est, & à nobis fortasse precariam quandam ve-
nandi licentiam meretur, multum tamen interest,
an liberum venandi ius sibi arroget & sumat, an eo
sibi à nobis concessio, & ad tempus indulto, fruatur.
Verùm hac ipse venia minimè contētus est: sed sibi

fundi sui ac feudi ratione omnem vbicunque & inuestigandæ & persequendæ feræ licentiam ac libertatem arrogat : quo quid potest fingi iniustius, in eo præsertim cliente, qui nudam colendi & demetédi agri facultatem à domino superiore acceperit, nulla omninò iurisdictione data aut concessa? Etenim vnicuique venandi ius competere debet, aut ratione rei ipsius quam venatu assequi potest, aut propter fundi feudique prærogatiuum ac priuilegium: quorum neutrum in hoc, de quo agitur, cliente, reperitur. Nam quod ad feras ipsas attinet, quæ liberè vagantur, neque cuiusquam priuati hominis dominio conclusæ sunt aut astrictæ, eas non ad vassalum, aut clientem, sed ad dominum pertinere æquum est, ad quem bona vacantia, hæreditates caducæ, res mobiles dominij incerti & ignoti spectant & pertinent. Quòd si feudi traditionem, conditionem & naturam consideremus, nihil certè huiusmodi vassalo concessum est, præter nudum agri vsumfructum, quamuis sit ille perpetuus, & nunquam ad proprietatem redire aut reuerti debeat. At verò certum est & definitum in iure, venationem fructum fundi non esse, nisi totus fundi redditus in sola venatione consistat^a. Cùm igitur vassali fundus multos alios præter venationem redditus & proventus habeat, certum est eum venatione, tanquam fructu & redditu fundi, vti non posse. Sed mihi interdum in mentem venit, quid ad extremum dicturus sit aduersarius, cùm neque propter

a.l. venationem.
D. de vfar.

pter naturam ferarum, neque propter conditionem
 fundi ius venandi ad se pertinere confessus fuerit, se
 scilicet nobilem & generosum, ac rei militari natum
 esse ac deditum: quo solo nomine plerique sibi hanc
 ubique venandi delectationem eripi non posse con-
 tendunt: cum præsertim Rex, qui hominibus ple-
 beis venatione omnino interdixit, hanc voluptatem
 quasi præcipuam nobilitati concessisse & tribuisse
 videatur. Verum enim verbum si homini nobili, qui
 nulla feudi prærogativa gaudeat, nulla iurisdictione
 nitatur, venandi facultatem, libertatemque conce-
 seris, non video cur idem aut piscari in alieno, aut
 volucres aucupari non possit, aut vindemiam colli-
 gere, aut segetes denique fructusque omnes vero do-
 mino creptos ad suum ipsius commodum usumque
 conuertere. quo nihil planè iniustius dici aut co-
 gitari potest: postquam semel rerum dominia cer-
 tis finibus distincta sunt, & unicuique rei suæ non
χρήσις tantum, sed etiam *χρῆσις* propria & peculia-
 ris attributa est. Pluribus argumentis agere in re tam
 clara & perspicua non libet, apud homines præser-
 tim, qui hoc à Cicerone diuinè prolatum, & quasi
 • oraculum editum nouerint, Quod cuique obtigit,
 • id quisque teneat: eo si quis plus appetat, violabit
 • ius humanæ societatis.

G iij

ORATIO VASSALI.



VRI s Romani quanta sit vis & auctoritas, Iudices ornatissimi, nemo est qui ignoret: ut etiam id iam quodammodo non amplius ius civile Romanorum, sed gentium omnium ius commune dici debeat. Quoquidem iure si hæc quaestio terminanda & definienda sit, facilis est in hoc iudicio & expedita causa clientis & vassali. Etenim Romani Iurisconsulti cum de venatione differunt, generaliter sic aiunt, Omnia animalia, quæ terra, mari, cælo capiuntur, id est feræ bestiae, volucres, pisces, capiendum sunt: nec interest quod ad feras bestias & volucres attinet, utrum in suo fundo aliquis capiat, an in alieno. Planè qui in alienum fundum ingreditur venandi aucupandique gratia, potest à domino, si id prouiderit, a iure prohiberi ne ingreditur. Quod si ita est, qua ratione Dominus superior alteri, ad quem inferioris si proprietas vniuersa pertinet, interdicare potest, quominus feras illas atque animalia persequatur, quorum dominium sagaciori venatori naturaliter cedere debet, & primo occupanti? Nec verò hæc nobis verba officiuntur aut obsunt? Planè qui in alienum fundum ingreditur venandi gratia, potest, ne ingreditur, à domino prohiberi. Nam Romani quidem legem Cornel. habuerunt^b, quæ prohiberet, ne quis in alieno, inuito domino, vestigium poneret, eique

a.l. prima, 2.
& 3. de acqui
rèdo rerum
dominio. D.

b.l. lex Cor-
n. l. l. iniuria
rum. P. quæ
iure. D. de
iniuriis.

cique iniuriarum actionem concederet, qui vel domum suam, vel agrum suum, vi introitum quereretur. Sed quum venationis nullus usus, nulla delectatio, nec fructus esse posset, si vicinus vicinum semper finibus suis violenter & iracundè extruderet atque arcèret, cōmunis tandem vtilitas, meo iudicio, legem non in tabulis, sed in hominum mētibus scriptam & consignatam tulit, qua vicinus in vicini agrum venandi gratia, & persequendæ feræ occasione ingrederetur: ac mutua vicissim patientia vicino etiam agri sui fines & limites eiusdem delectationis & voluptatis causa aperiret: idque apud antiquos Romanos, quemadmodum existimo, usurpatum fuit, ut ait Iurisconsultus^c: quanquam nullo iure, id est, quanquam iure stricto & civili, nemo in alterius agrum invito domino transire possit: vtilitas tamen communis suavit, ut mutuam hanc alieni fundi ingrediendi licētiam sibi inuicem vicini concederent, sine qua vniuersa venandi ratio nullum exitum habere posset, omnisque eiusdem voluptas, delectatio, & fructus hominibus à se inuicem æquali obstinatione & pertinacia adimeretur. | Arque ab hac Romanorum consuetudine, nos etiam eorum non abhorret in Galliis, qui nobilitatis splendore illustrati sunt, & confines agros sibi inuicem minimè seruientes possidēt: ut mihi interdum mirum videatur, cur aduersarius hoc iudicio constituto à communi aliorum omnium comitate recesserit, & mutuam alieni

c. l. Iniuriarum, sub finem. D. de iniuriis.

fundi ingrediendi licentiam accipere, ac permittere aliis vicissim recuset. Sed quum rem totam attentiùs considerauim, intelligo tandem, quid ad hæc aduersarius dicturus sit, Gallos scilicet legibus aut moribus Romanorum minimè alligari, sed iura venationum Gallorum propriis legibus, & feudorum vsibus esse constituta, qui clientem domino obsequi & obedire, atque eius potentiam comiter obseruare præcipiant: præsertim quum dominus in vassalorum nullam iurisdictionem transtulit, sed meram ac simplicem arandi fruendique fundi facultatem & potestatem. Denique inter nobiles homines, vicinos tantummodo, & nullo sibi inuicem iure astrictos, comitatem, patientiam, libertatem mutuam aduersarius locum habere dicit: Ei verò, qui à domino fundi vsumfructum perpetuum beneficii loco acceperit, parendi & obsequendi necessitatem incumbere, non voluptatem & delectationem venandi cum domino communem esse aut promiscuam. Quod si ita est, non video, cur non illi æquè ac mihi venationis vsus tollatur & adimatur. Quemadmodum enim prædium aduersarii prædio obnoxium possideo, sic & aduersarii fundus alteri fundo seruit: ac rursus superior ille fundus ab alio maiori & augustiori loco dependet, quoad ad Regis ipsius amplissimam & augustissimam potestatem peruentum fuerit. quæ quidem omnia, quæ sunt in hoc imperio Gallico, prædia concluduntur & comprehenduntur. Ex quo
necessa-

necessariò concluditur, si aduersarij argumenta locum habeant, vt vni omninò Regi in hoc imperio venari, feràsque inuestigare & capere liceat. Quo quid absurdius dici potest? Etenim maiestas regia nunquam hanc venandi libertatem clientibus suis, ambactis & soldurijs inuidit, vt antiqua Gallorum verba in re antiquissima vsurpemus, dummodo certo ferarum genere venatores abstineant: in quarum venatione tanti sumptus faciendi sunt, vt hos nullæ, nisi principales ac regiæ facultates sustinere possint. At verò domini superioris quanta hæc & quàm noua est seueritas, quod principes regniquæ proceres ac Rex ipse nobilibus omnibus vltro permiserit, id aduersarium vnum mihi vni ex omnibus in tota Gallia eripere atque auferre? Magnum sanè ius est dominorum in vassalos, idque non vt multi existimant Longobardorum tantummodo legibus introductum, sed Gallorum moribus antiquissimis receptum. Scribit enim Cæsar^d temporibus suis, ex Gallis, vt quisque genere atque opibus amplissimis foret, ita plurimos circa se ambactos clientésque habuisse. Et alio loco solduriorum meminit, qui fortunas suas, ac seipsos patronis deuouere ac consecrare consueuerant: & rursus alibi beneficiarios milites refert, qui fundos à proceribus beneficij loco acceptos colebant & occupabant. Quinetiam Romani plerasque leges tulerunt de fundis limitrophis militibus ab Imperatore assignatis, vt illi possessio-

d. lib. 6. de bello Gall.

e. lib. xj. C.
Tit. de fun-
dis limitro-
phis.

f.l. i. si ager
vestigal. D.
l. i. D. de
superfic.

num suarum cupidine incitati, hostium & barbarorum impetum audaciùs ab imperij finibus propulsa-
rent & repellerent. Sed nihil in toto iure est, meo iudicio, quod propiùs ad feudorum vsum accedat, quàm ius illud agrorum vestigalium, qui olim à municipibus hominibus priuatis^f in perpetuum fruendi & obtinendi locabantur. Ex quibus locationibus Romanorum perpetuis, illa etiam in vsibus feudorum peruulgata directi & utilis dominij nomina fluxerunt. Quanquam nullum propriè directum aut utile dominium est: sed directa & utilis actio apud Romanos dicitur, quarum vna antiquo domino, altera perpetuo conductori ad ius suum tuendum & persequendum competit. Verumenimvero si apud nos ius vassali iciunius quodammodo & exilius est, quàm vt vassalus cum perpetuo cōductore aut superficiario comparetur: Non video cur idem vsufructuario cedere debeat, in re, quam à superiori domino acceperit vtenda & fruenda. Etenim vassalo prædium vèdere, permutare, fundi faciem formámque inuertere, eundem in extraneum vel propinquum transferre licet: Vsufructuario idem legibus Romanis nō licet. At verò aucupiorum, venationū, & piscationum redditum ad fructuarium pertinere Cassius scripsit^g, & rursus Tryphoninus vsufructuariū venari posse ait^h in mōtibus & collibus: neque aprum aut ceruum cū cepit, proprium domini cepisse. Quòd si vsufructuarius in fundo domini

g. Litē si fundi. P. sed si metalla. D. de vsufruct. h. l. vsufructuar. venari. D. de vsufructu.

mini eo invito feras inuestigare, persequi, & capere potest, cur eandem voluptatem idémque ius dominus superior vassalo suo & clienti auferet, postquam semel dominium fundi in vassalum omne contulit, ut eo quasi præmio & beneficio fidem eius, non rem familiarem sibi in posterum obligatam & astrictam teneret? Nec verò Iurisconsulti soli venationem in fundi fructu esse existimârunt: sed & Aristoteles ipse libro πολιτικῶν primo, tres vitæ species naturæ accommodatas, triâque hominum genera constituit, quorû qui ignauissimum sunt, νομάδες Græcè, Latine pastores dicuntur: qui maximè strenui, venatores: qui inter utrosque medij, & quasi interiecti, γεωργοὶ siue aratores appellâtur. Verba sunt Aristotelis lib. 1.

πολιτικῶν, οἱ μὲν ἀγροῦνται νομάδες εἰσιν, οἱ δ' ἀπὸ θήρας i. Cap. 5.
ζῶσιν τὸ δὲ πλεῖστον γένος τῶν αἰθερώπων ἀπὸ τῆς γῆς ζῆ, καὶ τῶν ἡμέ-
ρων καρπῶν. Quinetiam in plerisque regionibus homi-

nes non minus ferarum venatione, quàm pecore & agricultura viuunt: in quibus si venatio eripiat, vassalis & clientibus, hominum inter se societatem dissolui, agrósque & vicos deserere necesse sit. Plátó quidem Politicorum omnium facilè princeps, hanc sub finem libri 7 Νομοθεσίας, de venatione legem tulit & promulgavit, μή τις ἱερῶν ὄντας θηρῶν καλύπτει ὅπου καὶ ὅπου παρ' αὐτῷ ἐθέλωσι κυνηγετεῖν: sacros venatores nemo prohibeat aut impediât, quacunque & ubicunque venari, & in feras bestias canes immittere, voluerint. Si qui autem sunt, qui hoc priuilegio gaudere, hac volu-

prate & delectatione uti debeant, maximè hac in re nobis militaribus viris indulgendum est, qui quum à castris discessimus, nullum aut animi aut corporis exercitium habemus, quod propiùs venatione ad militarem disciplinam accedat: atque hac vna præcipuè ratione Gallica iuuentus in bellici laboris assidua quadam imitatione continetur. Sola denique venatio est, quæ militum animos pacis tempore remollescere & otio languere non sinat, ut qui hanc iuuentuti ad arma natæ eripit, magnam superuacuis voluptatibus fenestram aperire, & quodammodo virtutis ipsius nervos incidere videatur. *ἡρωικὴ γὰρ, quemadmodum Aristoteles ait, εἶδος ἐστὶν τῆς πολεμικῆς.* Quinetiam ut Xenophon scripsit lib. i. *περὶ Κύρου παιδείας*, Rex apud Persas sese ciuibus suis non minùs in venatione, quàm in bello & præliis strenuum duccem præbere consueuerat. Verba hæc sunt politicissimi doctissimiq; scriptoris: *Πέρσαι δημοσίᾳ τῷ ἡρώϊ ὅτι μολοῦνται, καὶ βασιλεὺς ὡς περ ἐν πολέμῳ ἡγεμὼν αὐτοῖς ἐστὶ, ὃ αὐτοὶ ἡρώϊ, καὶ τῷ δήῳ ὅτι μολοῦνται, ὅπως αὐτὸ ἡρώϊεν, ὅτι δηλοῦται τῇ δοκεῖ αὐτὴ ἡ μόλις ἐν περὶ πόλεμον εἶναι.*

DISPV-



DISPVTATIO DE HAC CON-
DITIONE, LEGO TIBI VEL DONO
CENTVM, SI MÆVIAM VXOREM
DVXERIS.

Argumentum huius disputationis primo
sermone continetur.

ORATIO EIUS, CVI RES DONATA
est sub hac conditione, Si Caiam vxorem duxerit.

NON iniuria, Iudices ornatissimi, no-
uercale odium ceteris omnibus odiis
inimicitiiisque maius & capitalius
olim ab antiquis existimatum est:
quod quidem, vt in fabulis legimus,
multis sæpè exitio innocentibus fuit. Me autem im-
primis abhinc quatuor aut quinque annis, nullo
meo merito aut peccato, quod sciam, miserè exer-
cuit, vexauit, atque afflixit. Neque enim Mæuia no-
uerca bene conueniens & quiescens matrimonium
meum turbare, & fraudulento diuortio penitus euer-
tere satis habuit: sed me miserum atque infelicem,
coniugè & liberorum spe iucundissima priuatum,

nunc etiam bonis, fortunisque omnibus exuere & spoliare conatur. Sed priusquam dicendo ulterius progrediar, mihi infelicis coniugij & casus mei historiam vobis exponere ac breuiter enarrare in animo est, ut postea à vobis id de quo agitur, & tota hæc quaestio ac controuersia facilius cognosci & disceptari possit. Fuit ergo mihi Sempronius pater, homo satis locuples, & famæ inter municipes suos honestæ atque integræ. Is quum ætate iam prouectior esset, meque vnicum ex priore matrimonio filium sustulisset, ac in spem bonorum & facultatum suarum educasset, repente ad Mæuiæ nuptias animum adiecit. Atque ut sui erga me amoris maiorem fidem faceret, eodem contractu, iisdemque tabulis & se Mæuiæ coniunxit, & sponsalia constituit inter me sex tantummodo annos natum, & Mæuiæ filiam eadem penè ætate virginem. Atque, ut parentum ferè omnium mos est apud eas gentes quæ iure scripto in Galliis vruntur, ille eodè matrimonij contractu mihi omnia sua bona liberaliter donauit, si modo inter me & Mæuiæ filiam matrimonium coeptum atque inchoatum, mutua animorū & corporum coniunctione perfectum & absolutum fuisset. Si secus accidisset, ne quid vos callidè celare videar, donatione extingui & euanescere voluit. His ita à patre prouidè constitutis, Mæuiæ filia Caia à me in domum deducta est, mecumque & recti & rhorii & xitiæ denique omnis socia & particeps facta, cum interea
inter

inter nos à sexto vsque ad decimum sextum ætatis annum simul habitantes, nulla iurgij, aut dissensionis vel leuissima suspicio oriretur, nullum diuortij futuri signum exstaret: Verùm hoc quiescentis matrimonij iucundissimum ocium nouerca Mæuia repentè interpellare, & in tranquillissima familia turbas excitare aggressa est, ac filix suæ Caiæ vi minisque adhibitis iniustam de me & iniquam querelam extorsit: perfecitque vt coniunx repentè me ad tribunal ecclesiasticum, diuortij & distrahendarum nuptiarum causa, vocaret. Ego talium litium insolens, & noua re attonitus atque turbatus, in iure me qua possum ratione tueor atque defendo: Diuturnitatem matrimonij ostendo: nullum interim iurgium, nullam vxoris de me querelam fuisse commemoro: Porro matrimonium inter nos ita contractum, vt saluo iure publico dissolui nō possit. Sed quò acrius in matrimonio & officio mulierem retinere contendendo, eò illa diligentius exquirat, qua ratione ad secundas nuptias progredi possit: mihi que tandem obiiicit, se post diuturnum cōtubèrniū à me virginem relictam. Qua de re cū Iudex ecclesiasticus, contra morem & iuris ordinem, nullis legitimis testibus auditis, certisue indiciis aut argumentis adductis, cognouisset, subito matrimoniū legitimè contractum nulla ratione dissoluit. Ego verò, vt ingenuè fatear, hac sententia me inuito & cōtradicante lata: quum mulierem à me tam cupidè diuertisse viderem, atque

animum eius maternis sermonibus planè abalienatum sentirem, veritus sum ne si post iudicium primum superiorem iudicem appellassem, retinendi in domo iurgij & dissidij appetentior iusto & cupidior viderer. Itaque non ita multò post, me ægerri-
mè ferente, sed ferente tamen, alteri viro Caia copu-
lata est, ex quo liberos procreavit: atque eo extin-
cto tertias adhuc nuptias fecit, vt reconciliationis
inter nos, aut sarcientiæ gratiæ iam nulla omnino
spes superesse possit. Hæc, vt dixi, ita gesta sunt, Iu-
dices. Nunc videndum, an mihi, quasi matrimonio
perfecto paterna donatio debeatur. Ac si quis est qui
de matrimonij perfectione dubitet, is & ab homi-
num consuetudine alienus videtur esse, & vitæ com-
munis ignarus. In manum meam conuenit mulier,
domum à me deducta est: à sexto ad decimum sex-
tum ætatis annum idem tectum & cubile mecum
habuit, cum mutua consuetudine inter nos, & ar-
ctissima coniunctione vteremur. Aduersarij tamen
matrimonium perfectum & absolutum pernegare
audent. Cum in iure quæritur, quis filius sit legiti-
mus, ait ^a Iurisconsultus, minimè cum ferendum, qui
valetudine prospera assidue cum vxore moratus, no-
lit partum agnoscere: cum de marito legitimo aut
coniuge disputatur, quoniam ore quispiam mulie-
rem viri illius coniugem esse negare auit, cum quo
ipsa viripotès per quadriennium integrum sine vllò
iurgio coniunctissimè vixerit, & tecti, & mensæ, &
thalami,

a. l. si filium.
D. de statu
hominum.

thalami, & omnis denique humanæ vitæ consors & socia? Si quis mulierem adulterij accuset, non exigitur ab eo, ut turpitudinem ipsam Iudicum oculis subiiciat: sed signis & coniecturis eudentibus crimen & maleficium^b probatur. Matrimonij verò absoluti & perfecti fidem facere ac probationem implere per aduersarios non licebit, nisi ea res penitus inspecta, & oculis Iudicum notata ac designata sit: à qua honestiorum hominum non oculi tantum, sed etiam tacitæ ipsæ cogitationes refugiunt atque abhorrent. At matrimonium ante septennium conciliatum & inchoatum est. fateor. sed cōiunctionem illam, quæ ab initio inuálida & infirma fuerat, subsequens ætas & consuetudo firmavit & corroborauit. Etenim minorem annis duodecim tunc legitimam vxorem fore Iurisconsultus respondit^c, cum apud virum duodecim annos absoluiſſet & expleuiſſet. Ac profectò de coniugum ætate legitima apud antiquos dubitatum & variatum esse video. Hesiodus quidem Poëtarum longè antiquissimus in hæc verba sententiam protulit:

Τὰν δὲ τευχέντων ἐτέων μὴ πολλὰ δ' ἀπολείπων,
Μὴ τ' ὅττις μάλ' ἀπολλὰ, γάμος δὲ τοι ὄμιος οὖτος.

H ὅ γυνὴ τέτορ' ἡβῶν, πέμπτῃ δ' ἡ γαμοῖτο.

Aristoteles verò in viro trigésimo septimo, in muliere decimo octauo ætatis anno tēpestiuas nuptias credidit: & qui celerius coniungerentur, immaturos Reip. fructus producere arbitratus est. A Plato-

b. l. quod ait
lex. ad l. Iul.
de adult. D.
autē. si quis
ei. C. ad l. Iul.

c. l. minorē.
l. denique
Cinna. D.
de ritu nupt.

ne, quod sciam, nullum certum nuptiis tempus præscriptum aut definitum habemus. Sed cum Iuriconsulti philosophia non tam exacta aut subtilis quàm moribus humanis apta & accommodata delectarentur, ad nuptias contrahendas in viris decimum quartum, in fœminis duodecimum ætatis annum exegerunt & desiderârunt. Quòd si coniuges maturiùs coniuncti fuissent, non eam distrahendæ societatis occasionem, sed amicitie & benevolentie firmioris fundamentum esse crediderunt. Minimè ergo in hoc iudicio illæ nuptiæ inutiles existimandæ sunt, quibus ab ineunte ætate & teneris annis coniuges assuevere, & quarum amor & affectio simul quodammodo cum ipsis viri & mulieris corporibus creuisset & adoleuisset, nisi communi vtriusque voto contraria noueræ studia & desideria obstitissent. Quanquam equidem, Iudices, cum in hac causa disputo, matrimoniùmne mutua coniunctione perfectum fuerit, an non, incassum mihi ipsi disserere & tempus consumere videor. Nemo enim est adeò iuris ciuilis, legumque antiquarum ignarus & rudis, qui ignoret, quotiescunque cuiquam aliquid vel donatum, vel legatum est, adiecta matrimonij & nuptiarum conditione, hanc ipsam conditionem pro impleta haberi, non tantummodo si nuptiæ consecutæ fuerint, sed etiam si per eum qui vel ad legatum, vel ad donationem aspirat, non steterit, quominus conditioni pareat, & testatoris vel donatoris

toris volūtati obsequatur. Itaque Vlpianus ait: Cū fuerit sub hac conditione relictum, si in familia mulier nupsisset, videtur impleta conditio statim atque ducta est vxor, quamuis nondum in cubiculum mariti venerit. Et Africanus eadem quæstione proposita respōdit: Si maritus noller ducere vxorem, cū mulier parata esset nubere^d, mulieri legati petitionem minimè denegādam. Quæ quidem controuersia quanquam ad quæstionem propositam proximè accedant, nulla tamen est coniunctior ea, quam Imperator tractare & decidere voluit. l. pr. Cod. de Institut. & substitut. In hac lege Mævia hæres à testatore instituta fuerat, si Antilli filio nupsisset: & rescripsit Imperator, non prius eam hæredem existere, quàm conditioni paruerit, aut Antilli filio recusante, matrimonium interpellatum & impeditum fuerit. Qua facti specie quid huic nostræ controuersiaæ similis fingi aut excogitari potest? Demus enim id aduersario, quod nemo sanæ mentis existimauerit, nuptiis scilicet à me contractis, coniunctionem mutuam minimè accessisse: id tamen disceptandum superest, cuius culpa inter nos matrimonium impeditum fuerit: an mea, qui nihil vnquam hoc diuortio indignius & grauius tuli: an potius vitio vxoris, quæ à me ita cupidè diuertit, vt statim ad secundas, moxque ad tertias nuptias decurreret: ne vlla inter nos renouandæ gratiæ spes aut ratio in posterum relinqueretur. Quinetiam diuortium eo tempore factum

d. l. cū fuerit.
l. in testamē.
l. Titio. de
cōditionib.
& demonst.
Digest.

est, quò tantummodo decimum sextum ætatis annum attigeram, cùm mihi biennium solum effluxisset ab ea ætate quæ viris ad contrahendas nuptias legibus definita est. Ex quò facile colligi potest, quàm inconsideratè, quàm cupidè, quàm alieno tempore Nouerca solènes nuptias violarit & dissoluerit. Nec tamen illa hac iniuria expletur, nisi ad matrimonij dissolutionem, fortunarum discrimen & periculum adiiciat: quod à me nulla alia re, quàm æquitate & prudentia vestra, iudices, cuitari potest.

*ORATIO LIBERORUM SEMPRO-
nij ex secundo illius & Mævia matrimonio, qui do-
nationis conditionem defecisse contendunt.*



CVM mater Dionysij Syracusani iam annis prouectior filium suum obsecraret, vt nuptias inter se & adolescentem Syracusanum opibus & ætate florentem conciliaret: ac Regi cogendi potestatem esse ostenderet, si ille iustis rationibus & conditionibus minimè commoueretur: Dionysium respondisse Plutarchus scribit, Iura quidem ciuilia à regibus violari posse, naturalia verò non posse. Quod quidem arguti hominis verissimum dictum in aduersarium torqueri potest, qui quodammodo naturam ipsam vincere & superare

superare nititur: atq; id matrimonium perfectum & absolutum contendit, cuius ei perfectionem ingenita quædam & innata corporis imbecillitas denegavit. Nec verò hac in re pluribus argumentis aut rationibus agendum est: nec matrimonij diuturnitas, nec assidua consuetudo vitæ commemoranda, nec cætera perfecti matrimonij argumenta vndeunque exquirenda & colligenda sunt: cùm ea omnia facile ipsa veritatis luce depellantur, & quodammodo obscurentur. Satis profectò M. Tullij autoritas laudari non potest, viri in publica administratione summi, qui Ius ciuile constare ait Senatufconsultis, legibus, rebus iudicatis: & rerum iudicatarum infirmationem perditæ Reip. vltimum exitum esse scribit. Hoc enim rerum iudicatarum fundamento debilitato aut impulso, ciuitates ipsas corrumpere & collabi necesse est. Hæc res vna est, qua iustum, qua iniquum, qua nostrum & alienum discernimus. Hæc in ista controuersia euidenter ostendit, quem de huius simulatæ coniunctionis statu sensum habere debeamus. Quæritur, an matrimonium inter Titium & Caiam perfectum fuerit & absolutum. Quid multis argumentis aut signis opus est? Res ipsa loquitur. Iudex pontificius decreuit & iudicauit fictæ isti coniunctioni nullam nisi verborum copulam accessisse. Ac sapienter profectò scriptum est à Iurisconsultis, terminato nondum negotio, veritatem diligenter inquirendam & inuestigandam

esse. Cùm verò de aliqua re & controuersia aut iuratum, aut transactum, aut iudicatum est, non iam quæritur, an religiosè iuratum sit, an bona fide transactum, an sapienter & iustè iudicatum: sed tantummodo an iusiurandum, an transactio, an iudicium interuenerit. Hos enim quasi fines & terminos legislatores cõtrouersis omnibus designârunt & statuerunt, quos saluo Reip. statu transire & egredi non liceret. Atque hinc dictum illud Metiani sapiens profectum est, qui de hæreditatis restitutione disputans ita scribit^a. Cùm Prætor causa cognita per errorem, vel etiam ambitiosè iubet hæreditatem restitui, eam publicè interest restitui, propter rerum iudicarum autoritatem. Quum igitur Põtificius Iudex, cui moribus & iure diuino huiusmodi controuersiarum decidendarum potestas summa concessa est, matrimonium nullum fuisse, nullam inter se personarum conjugalem copulam intercessisse, nuptam denique virginem remansisse pronuntiauerit, frustrà vanis & inutilibus indictis, suspicionibus, argumētis veritas ipsa refellitur & oppugnatur. At verò, inquit aduersarius, minimè perfectum fuerit matrimonium: per me certè non stetit quominus perficeretur & absolueretur. Et quemadmodum qui hæres institutus est, sub conditione, si Mæuiam vxorem duxerit, Mæuia recusante ad hæreditatem admittitur: sic donatio in me collata sub conditione perficiendi matrimonij locum habere debet, cùm illa

a. l. seruo inuito. D. ad Senatusc. Trebell.

illa conditio non à me, sed ab vxore impedita sit, quam diuortio causam præbuisse constat. Hęc certè aduersarij præcipua ratio est, quæ quamuis speciem æqui & iusti aliquam habeat, iuri tamen ipsi opposita omnino & contraria dici potest. Nos enim in matrimoniis iudicandis non iam ciuili iure utimur, sed pontificia & Christiana sanctitate. Quingentorum annorum spatium ab vrbe condita, ut scribit Gellius, Romæ diuortium ignotum fuit, lege Naturæ legem diuinam adhuc sequente & imitante: postea verò seculi morumque corruptio effecit, ut sub specie adumbratæ cuiusdam libertatis, vaga & penè beluina Romanorum coniugia & connubia essent. Itaque Imperator scribit, eum, qui sponsalia contraxit^b, cogi non posse ut nuptias contrahat. Et Iuriconsultus disertè vetat ac prohibet, ne vlla pœnæ stipulatione matrimonia vel futura, vel iam contracta obligentur^c aut astringantur. Ac, si verum fateri volumus, iure Romano exceptis quibusdam reidoneisticæ detrimētis, & dotis aut virilis donationis amissione, nullum omnino coniugalis fœderis vinculum fuit, nulla lex quæ aut virum ab vxore, aut vxorem à viro diuertere, aliàsque subinde nuptias & conditiones querere prohiberet. Quo quid fœdus aut turpius cogitari potest, magisque ab honestate publica alienum & remotum? Quinetiam apud Romanos multi olim vxores suas inopes & formosas hominibus opulenti tradebant, ut locupletum marito-

b. l. r. de sponsalibus. C.

c. l. Titia, de verb. oblig.

d. Plutarch.
in vita Ca-
tonis.

rum muneribus auctas & ditatas postea reciperēt & recuperarēt. Quod Catoni ipsi contigit^d, viro in cæteris rebus admirandæ cuiusdā probitatis & sanctitatis. idque illi à Cæsare curiosius inimici peccata omnia & errata colligente, quondam exprobratum est. Quum igitur tanta iure Romano matrimoniorum libertas, vel potiùs licentia, corruptela & deprauatio fuerit, mirum non est si ex opinione Iurisconsultorum ille matrimonij cōtrahendi conditionem implese dicatur, qui nolētem & recusantem mulierem ad coniugium, qua potuit ratione excitauit & inuitauit. Quinetiam si quis donationem accepisset, sub conditione retinendæ in matrimonium vxoris, ille nulla diuortij occasione præstita, ac muliere pertinaciter diuertēte, conditioni paruisse iure ciuili dicebatur. Sed quemadmodum Cicero ait: Nouissima quæque correctæ sunt, & emendata maximè. Iure igitur pontificio, quod omnium postremum, & sanctissimum, ac religiosissimum existimare debemus, dissoluta illa connubiorum licentia primùm coercita, & quasi in legitimum ordinem redacta est. Quinimo iisdem pontificiis legibus actiones introductæ & proditæ sunt, quibus hodie & sponsus sponfam, se inuicem coniuges ipsi vindicare dicuntur, ne hominum libido, vt antè consueuerat, belluarum more in posterum vagari, & subinde matrimonia mutare possit. Quæ cum ita sint, quis non videt iam marito conseruandū matrimonij lege astricto plus præ-

e. in cap. licet. de sponsa duorum. & toto ritu. de sponsalibus.

præstandum, quàm olim ab eo legibus antiquis desiderari consueverat. Sufficiebat olim mariti animus à nuptiis minimè alienus, cum inuitam vxorem nullo pacto retinere posset. Nunc verò postquam ei legitima vxoris vindicatio concessa est, stare per eum dicitur, quominus aut matrimonium contrahatur, aut firmum illibatumque remaneat: si vxoris vindicandæ ac retinendæ facultatem sibi à lege traditam spreuisse & neglexisse arguatur. Atque id profectò aduersario nostro in hac controuersia aut dolo suo, aut naturalis imbecillitatis cōscientia accidit. Quum enim Iudex ecclesiasticus matrimonium nunquam perfectum fuisse, mulieremque ab eo intactam māsisse pronunciaisset, nunquam ad Iudicem superiorem prouocauit, nunquam naturali legitimoque appellationis auxilio usus est: seque in vxore vindicanda negligentiores præstitit, quàm quilibet se in veste, aut penu, aut supellectile conseruanda præbuisset. Etenim sapienter, Iudices, ab antiquis appellationum remedia instituta sunt: nec tantummodo iure Romano, sed moribus etiam Græcorum introducta: quas enim nos appellationes, illi proprio idiomate *δixας ἐφεσίουως* nominant. Et si quis condemnatus fuerit, ut minori, non tutori minoris pecuniam solueret, sibi ipse, inquit Iurisconsultus, rei domesticæ detrimentum imputare debet, cum aduersus Iudicis sententiam, quasi iniuriam sibi illatam^f appellationis auxilio uti possit. Plato ipse, cuius

f. l. ait Prætor. D. de minoribus.
l. Herēnius. de cuiusdā
bus.

& studia & mores à litibus omnibus & controuersis
 ciuilibus abhorruere, de appellatione disputās lib. 6.
 Νομοθεσίας, his verbis utitur, ὁ χεῖρος ἀμα, ἐ δὲ βραδὺ
 ᾧτε πολλάκις ἀνακρίνῃ πρὸς τὸ πατέρα γίνεσθαι πλὴν ἀμφι-
 στήτησιν συμφέρει. ὅ δὲ τείνον δικαστήριον, αὐτὰρ δύο δικαστήρια
 μὴ δύνῃ. Ἀλλάξαι, τέλος ὁππότε τῇ δίκῃ. Temporis
 diuturnitas, & repetita ac sæpius agitata eiusdem li-
 tis cognitio, lucem controuersæ adfert: Tertium
 autem iudicium, si duo rem minimè dirimere po-
 tuerint, finem quæstioni omni litique imponat.
 Quæ cum ita sint, nemo, opinor, existimauerit ad-
 uersarium nostrum iustam ob causam appellationis
 remedium sibi à legibus porrectum spreuisse ac con-
 tempsisse. Etenim tota hæc disputatio breui argu-
 mento concludi & definiri potest. Aut enim iusta
 pontificij Iudicis sententia, aut iniusta est: si iusta,
 cur aduersarius hoc iudicio matrimonium suum
 dissociatum & dissolutum conqueritur? Si iniusta,
 cur iniquam, ut ait, sententiam silentio suo & taci-
 turnitate corroborauit & confirmauit? cur appella-
 tionis remedium neglexit, quod in leuib. negotiis
 & litibus homines etiam minimè litigiosi ample-
 ctuntur, & quotidie vsurpant?

DISPV-

DISPV. TATIO, AN TESTAMENTVM
NATIVITATE FILII RVPTVM, EIVS-
dem morte subsequenti conualescat.

ARGVMENTVM.

MENSE *Februario* matrimonium contra-
ctum est, inter *Mauium & Semproniam*:
mense *Aprili* *Sempronia* marito suo vsum-
fructum *tertia* partis bonorum largita est,
quæ in *prouincia Turonensi* sita sunt. Eodem mense
Aprili *Sempronia* filium concepit, qui mense *Septem-*
bri proximo semestris in lucem editus est, sacro baptis-
mate lustratus, & intra spacium vnius hora extinctus.
Mater tertio post filium die partus intempestiui dolo-
ribus obiit. Quum res ita cecidisset, ac maritus rerum
donatarum possessioni incumberet, hæres *Sempronia*
Mauio diem dixit, & plura simul vitia collegit, qui-
bus hæc muliebris liberalitas laborare videretur.

VIR & fœmina matrimonio coniuncti liberis
extantibus sibi inuicem nec mutua donatione, nec
alia quidquam donare possunt. Quod si nullos ha-
beant liberos, donatio inter virum & uxorem per-
missa est, modò ea vsumfructum *tertiæ* partis bono-
rum non excedat.

Consuetudo
prouinciæ
Turonensis.

DONATIO simplex inter virum & uxorem, tra-
ctum habet ad mortem, & vsque ad vltimum vitæ
spiritum reuocari potest.

ORATIO EIUS QUI MULIERI
DONATRICI SUCCESSIT
ab intestato.

SAPIENTER constitutum est ab antiquis Legislatoribus, Iudices, ut voluntas coniugum in donationes effusa, certis quibusdam legibus astricta teneretur: ne si vel maritus uxori, vel uxor marito bona sua pro arbitrio omnia donare posset, mutuus ille amor in mutuam perniciem conspiras, vel alterutrum, vel utrunque bonis suis atque fortunis priuaret & spoliaret, ac bona sapissimè cognatis adempta in alienissimas familias trāsferretur. Siqua autem est ratio, quæ huiusmodi donationibus modum præfigere, & adhibere debeat, tum præcipuè illa excutienda est, & examinanda, cum liberi ex matrimonio procreati extant, in quorum necem atque detrimentum liberalitas profusa & immoderata conuertitur. Lex igitur prouinciæ Turonensis donationes omnes reiicit, liberis extantibus, vel à marito in uxorem, vel ab uxore in maritum collatas & perfectas, cuiusmodi hæc donatio est, de qua hodie quæstio inter nos exorta agitur. Atque hæc prohibitio lege ciuili & municipali introducta cuiuspiam fortasse durior & seuerior videri posset, nisi à iure Romano originem sumeret: quo quidem donationes etiam iure perfectæ reuocantur, simul atque is
qui

qui donauit ^a noua sobole auctus est. Sed fortasse quispiam dixerit, reuocationem hanc locum habere in donationibus inter viuos: illas verò, quæ tractû ad mortem habent, sũntque testamentariae, & vsque ad vltimum vitæ spiritum reuocari possunt, alio iure censerì. Sit sanè magna inter istas donationes differentia & dissimilitudo, dum tamen constet inter omnes, testamèta multò faciliùs liberorum procreatione infringi & vitari, quàm puras, simplices, meràsque donationes. Nemo est in iure vel minimùm versatus, qui vltimam voluntatem vel filij vel posthumi natiuitate rumpi ignoret ^b. Nec sanè iniuria. Natura enim ipsa quodammodo suum patribus testamentum condidit & conscripsit, quo ad parètum successionem filij, remotis aliis omnibus & reiectis hæredibus, inuitantur. Hoc ius æquitate & perfectâ quadâ ratione nititur. Sed intelligo quid nobis hac in re negotium facessat, quâque potissimùm ratione debilem istam & infirmam donationem aduersarius fulciri & sustètari existimet. Ait enim & fatetur partum editum, sed immaturum, intempestiuum & abortiuum esse clamat, & huiusmodi natum esse matri filium, qui pro non nato, & nunquam in lucem edito habeatur. Ego verò perfectum infantem esse, qui sexto mense nascatur, affirmare ausim, doctissimi viri Hippocratis autoritate persuasus atque adductus, qui in libro *περὶ φύσεως παιδὸς* inquit: *ὅτι μὲν αἱ ἀρχαὶ τῶ σώματος τῆ παιδὸς ὀλῶν ἔχῳ, καὶ οἱ ὄνυχες καὶ αἱ τεύχεα*

a. l. si vnquq.
C. de reuoc.
donationib.

b. T. de liberis & posthum. D.

ἐρρίνωσθαι, ὅτε δὴ καὶ ὁ βρέφος κινέεται, καὶ ὁ χρόνος εἰς τὸ
 γ', τῷ μὲν ἄρσενι τρεῖς μῆνες, τῇ δὲ θηλείῃ τεσσαρες· ἐστὶ δὲ αὖ
 παλαιὸν πολλοὶ τὸ χρόνος κινέει.)

Extremities corporis in infantibus simul ac formatæ sunt, vnguésque & capilli radicem egerunt, statim partus in utero movetur: hoc autem accidit, masculis quidem mense tertio, fœminis autem natura imbecillioribus quarto. Quod si ita est, nō video cur masculus sexto mense editus aut sit imperfectus, aut inefficax ad inofficiosam donationem reuocandam & rescindendam. Quod si à medicorum opinionibus ad Iuriconsultorum auctoritatem descendere volumus, facillè reperiemus ad infirmandum testamentum & infringendum nullam partus maturitatem, aut diuturnitatem desiderari. Imò cūm dicitur filium natum rumpere testamentum, natum Iuricons. accipiunt, etsi execto ventre editus sit, etsi non sit animal integrum, modò insit illi vita^e quædam & spiritus. Præterea si portentosum vel monstrosū, vel debilem mulier ediderit, non humanæ figuræ, sed alterius magis quàm hominis partum, hic quoque partus matri proderit, ut scilicet ex Tertulliano ad filij successionem^d vocetur. Atque ut res tota clarior sit & apertior, hanc certè quæstionem, utrum partus vivo testatore editus simul & mortuus, testamētum rumpat, an dispositio vltima ortu posthumi labefactetur, quomodo obitu cōualescat & confirmetur: Scio equidem à Iuriconsultis antiquis variè & subtiliter

e. l. quod dicitur. de liberis & posthumis. l. i. vnde cognati. D.

d. l. quæret aliqui. de ver. signif. D.

tiliter tractatam, & in diuersas ac repugnantes opinionones distractam fuisse. Etenim dicitur in quibusdam locis, si filius patre iam captiuo natus fuerit, statimque mortuus, patrem, qui testamentum condidit, intestatum nihilominus mori, si pater filium minùs legitimè exhæredauerit. In aliis autem Iurifconsultorum scriptis & monumentis, huic etsi frequentiori sententiæ fortasse nonnihil aduersum & contrariū reperiri possit. Sed quum huiusmodi questio iam diu nimis & iuriscōsultorum & litigatorum ingenia torfisset, tandem Imperator Iustinianus ius controuersum decidere voluit, & hanc omnem certantium inter se Iurifconsultorum contentionem autoritate sua sedare & componere. Nec verò dubia hac in re aut obscura oratione vsus est, sed disertè edixit, si filius viuus perfectè natus fuerit, licet illico in manibus obstericis decesserit, nihilominus testamētum rumpi, nec ruptum semel ampliùs corroborari aut restitui posse. Quod si ita est, quis non vider, cū in hac nostra cōtrouersia sexto mense filius editus fuerit, & sacro baptismo lustratus, vim testamentariæ donationis penitùs conuulsam & labefactatam sine vlla spe restitutionis cōcidisse? Lex enim municipalis manifestissimè liberis nascentibus vim huiusmodi liberalitatis reuocandæ & rescindendæ tribuit & concessit, nec, vt diximus, spectandum est hac in re filiùsne diu vixerit, sed an aliquando lucem aspexerit considerandum. Scio non-

e. l. filius à patre. Deliberis & posth. l. qui vxorē. de iniusto rupto. D.

f. l. quod certatum. l. vxoris abortu. C. de posth. hære. instit.

nullos constitutionem Imperatoris apertissimam ita obscurare & deprauare, ut dicant, si filius viuo testatore & natus & mortuus fuerit, valere testamentum: si verò eo defuncto, quamuis illico obierit, non valere. Sed huic ineptæ opinioni Imperatoris verba obstant & efficiunt, quæ sunt huiusmodi: Si pater filium silentio præterierit, inutiliter testabitur, adeò quidem ut si viuo patre filius mortuus sit, nemo possit ex eo testamento hæres existere. Cum igitur filius semel natus est, & viuo adhuc parente extinctus, donatio natiuitate conuulsa, morte posthumi stabiliri non potest. Quod tamen aduersarius iactat, & noua subtilitate clarissimis rebus tenebras offundere conatur. Nec verò hæc donatio hoc tantum vitio laborat, quòd filij natiuitate fracta & debilitata est, sed insinuatione quoque indiget, ea saltem, quam à donâte fieri necesse est. Ut enim de voluntate donatoris constet apertiùs, insinuatione opus est nulla ex parte infirma & claudicante. At donatio hæc de qua agimus à donatario tantum, non etiam à donatrice insinuata, & in acta relata est. Attamen de voluntate donatarij ad accipiendum propensa dubitari non potuit. Voluntas autem donantis, quæ mutari & potuit, & certè debuit, nulla insinuatione confirmata reperitur.

g. Institut.
P. 1. de exher.
ed. libero-
rum.

OR A

ORATIO MARITI.

SI, vt inquit Cicero, ad eos commodum successionis pertinet, ad quos maximum dolorem ex morte defuncti peruenire necesse est, nihil iniquius aut iniustius aduersarij petitione videri debet, qui mœrorem ex obitu charissimæ vxoris acceptum leuis cuiusdam emolumenti solatio leniri & subleuari conqueritur: nec maritalis fœderis & mutux inter coniuges amicitix monumentum quoddam & testimonium donationis tabulis consignatum extare permittit. Mihi verò & extinctæ coniugis memoriam sanctè colere & conseruare decretum est, & munus ab ea acceptum fastidire aut negligere piaculum videtur:

Οὐ γὰρ ἀπὸ λαντ' ἐστὶ θεῶν ἐλευθερία δῶρα.

Neque enim iam illa diuino nomine indigna existimari potest, quæ purissimis moribus & vitæ sanctitate in cœlum euecta, & è summo æthere in terras despiciens, nihil iniquiori animo videt, quàm hæredem suum enixę voluntatis suæ decreta rescindere & labefactare cupientem. Vt igitur ad rem veniamus, donatio ab vxore facta est vsusfructus tertix partis bonorum. Hanc vt hæres oppugnet, ait donationes omnes lege Turonensis prouinciæ interdictas & prohibitas inter coniuges extantibus liberis. Donatricem verò sexto mense partum edidisse allegat. Id argumentum quàm tenue sit & infirmum

a. l. Cùm hic
 stat. P. 1.
 de donatio-
 nib. inter vi-
 rum & vxo-
 rem. D.
 b. l. vxoris
 abortu. C.
 de posthum.
 hared. insti-
 tuendis.

facilè iudicabit is, qui consuetudinem eiusdem pro-
 uinciæ Turonensis legerit, donationes inter cōiuges
 vltimis voluntatibus componentem & comparan-
 tem, ita vt in vtrisque pœnitentiæ sit locus vsque ad
 extremum vitæ spiritum. Hac igitur lege municipali
 & iure^a Romano donatio ab vxorē in maritum col-
 lata, testamentaria verè & vsque ad vitæ exitum am-
 bulatoria dici potest. Certum est autem vxoris ab-
 ortu^b non rumpi nec vitiari testamentum. Ex quo fit
 vt idem ius in hac, de qua agitur, donatione consti-
 tui debeat, cùm testamēto simillima sit, & postremis
 voluntatibus per omnia exæquetur. Quamobrem
 videndum est tantummodo an partus semestris sit
 abortiuus. Hoc enim intellecto, an sit hæc donatio
 valida aut inualida facilè assequemur. Abortiuum
 partum Varro eum esse dicit, qui intempestiuè na-
 tus est. At verò quæ maior partus intempestiuitas
 & infirmitas, quæ euidētior abortio inueniri potest,
 quàm quum filius eo tempore editus est, quo qui
 eduntur, per rerum naturam superstites esse non pos-
 sunt, & à vitæ carceribus statim ad calcem metām-
 que reuocantur? Huiusmodi autem esse partus se-
 mestres, de quibus hoc tempore agitur, perspicuè
 Aristoteles ostendit in libro *πρὸς τὴν ἰσχυρίαν*, his ver-
 bis: *τὰ μὲν δὲ ἅλα ζῶα, μὲν ἁπλῶς ποιεῖται πρὶν τῆς τοῦ τοῦ τελεώσεως,*
εἰς γὰρ ὡρεῖται τὸ τοῦ χρόνος πᾶσι, ἀνθρώπων δὲ πολλοὶ μόνον τῆς
ζώης ἐν γὰρ ἐπιδάμνα καὶ ὀκτάμνα καὶ ἐννεάμνα γίνονται·
ἔτι δὲ ἐπιδάμνα καὶ οἱ ἄλλοι ἐν τῇ ἐνδεκα μηνὸς ὅλῳ δὲ τῆς
πρὸς τὴν ἰσχυρίαν

ἡ δὲ ἐπιμύωσις, ὅθεν ἐδάμωδ' δυνάτω, ζῶ. Quæ quidem
 sic Plinius interpretatus est lib. 7. Cæteris animanti-
 bus statum & pariendi & partus gerendi tempus est,
 homo toto anno & incerto gignitur spatio, alius se-
 ptimo mense, alius octauo, & vsque ad initia deci-
 mi, vndecimique, ante septimum mensem haud vn-
 quã vitalis est: Quamobrẽ Hippocrates de huiusmo-
 di partu abortiuo disputans, qui vel sexto vel octauo
 mense nascitur, ait ^c, ἐστὶ καὶ οὗτος ἐστὶ ὁ ἐπιμύωσις κύνους.
 Et Sabinus interpretes, ἐστὶν ὡς φαινόμενα ζῶα καὶ τὰ ἐκβῶσι,
 οὗτος ἐστὶ δὲ ὡς διήσυχοντα, καὶ ἐστὶ φαντασία μὲν, δυνάμει δὲ οὗτος
 ἐστὶ: Partus octauo mense editi apparent veluti ani-
 malia post abortum, sed nequaquam sunt: quippe
 quæ statim vita excedant. Atque hæc verba tam
 Hippocratis, quàm Sabini medici, hanc totam dis-
 putationem conficiunt & concludunt. Si enim di-
 fertè medici partum octo mensium vocant abor-
 tium, quia vitalis non est, semestrem abortiuum
 quoque esse consequitur, cùm cum in ipso vitæ li-
 mine aboleri & extinguere necesse sit. Nec verò mira-
 bile cuiquam videri potest, si nunquam ante septi-
 mum mensem naturalis fœtus editur, & nascitur,
 cùm numeri septenarij maxima sit in vita humana
 vis ac potestas, quemadmodum idem Hippocrates
 ostendit in libro τὰ ἐκβῶσι: vnde & hominem in-
 dia non ante septimum diem extinguere inperitum
 est: & septimo demum anno in infantibus dentium
 numerus impletur, καὶ ἡ φύσεως ἀνάγκη ἐν ἐξελθόντων βίῳ

c. In libr.
 πρὸς τὸν φῶτιον.

αἰδεσθῆναι διοικεῖται. hoc est, naturæ æterna necessitas
certis aut dierum, aut mensium, aut annorum heb-
domadis vitam humanam regit & administrat.
Partum ergo semestrem & quemlibet ante septimū
aut etiam octauo mēse natum necesse est dici abor-
tuum. Quod si ita est, huiusmodi partu procreato
ad breue temporis punctum & momentum firma
vxo-
ris voluntas conuelli non potuit, nec liberalitas
rescindi & reuocari. Dixerit quispiam, Filius natus
rumpit testamentum, etsi integrum non sit animal,
modò insit illi quædam vita & spiritus. Hoc certè
verum est: sed longa est differentia inter eum par-
tum, qui propter ortus intempestiuitatem morti ab
initio & orco quasi destinatus est, & cum qui natu-
raliter septimo nonoque mense editus est ac pro-
creatus, quamuis viribus fractis & tenui infirmoque
spiritu: hic enim in spem vitæ editus est, ille à primo
sui exordio Parcis dicatus atque addictus: vt quum
de testamenti aut donationis testamentariæ viribus
disputandum est, meritò pro non nato habeatur.
Ac vide, Cai, quid tibi largiar & con cedam. Sit sanè
id per me, quod per naturam esse non potest, partus
scilicet sex mensium perfectus & absolutus, non in-
tempestius neque abortiuus: huiusmodi etiam fœ-
tus natiuitate testamentum rumpatur & reuocetur,
dum modò id fateare quod perpetuò confessus es,
filium nempe ex vxore natum, momento temporis
vixisse, & tribus aut quatuor ante matrem diebus
extin-

extinctum obiisse. Etenim quilibet etiam medio-
criter in iure versatus faciliè iudicabit, donationem
de qua agitur, natiuitate posthumi aliquatenus fra-
ctam & debilitatam, eiusdem posthumi morte con-
secuta vires robúrque sumpsisse & cōualuisse, quem-
admodum apertissima legis ipsius verba demon-
strant. Recita legem.

LEX.

POSTHVMVS prateritus viuo testatore natus
decessit, licet iuris scrupulositate, nimiáque subtilitate
testamentum ruptum videatur, attamen bonorum pos-
sessionem secundum tabulas accipere haeres ^a scriptus potest.
Recita & aliam.

a. l. posthu-
mus, de in-
iusto rupto.
D.

LEX.

FILIO praterito, qui fuit in patris potestate, neque
libertates competunt, neque legata, si prateritus fratribus
partem hereditatis auocauit ^b. Quòd si patris se bonis
abstinuit, licet subtilitas iuris refragari videtur, attamen
voluntas testatoris ex bono & æquo tuebitur.

b. l. filio præ-
terito. D. de
iniusto rup-
to.

VIDETE quæso, Iudices, quàm perspicuè legibus
istis caueatur, vt testamentum natiuitate posthumi
quasi intermortuum, eiusdem posthumi obitu re-
nascatur & reuiuiscat. Ex æquo scilicet & bono, ac
iure prætorio. Quamuis huic æquitati & iustitiæ iu-
ris antiqui nimia subtilitas officiat & repugnet^c. Sed
cogitate quæso & considerate, semper apud pru-
dentes bonósque Iudices potiolem æquitatis quàm
stricti iuris, iustitiæ quàm subtilitatis ratione fuisse.

c. l. vxoris.
l. quod cer-
tarū. C. de
posthumis
hered. instit.

Æquitatem Græci ἐπιχειρία appellunt. Aristoteles vero inquit : ἐπιχειρὲς δίκαιον μὲν ἔστιν ὃ καὶ τὸν νόμον, ἀλλὰ ἐπὶ ἀνθρώποις τὸ δίκαιον νομίζουσιν, καὶ βέλτιον ἔστι δίκαιον. hoc est, æquum certè iustum est, non secundum legem, sed ad legis emendationem & correctionem introductum, & quasi iustum quiddam iure iustius & melius est. Ex iis quasi fontibus illa postea Iurisconsultorum præcepta manarunt, qui quotiescumque ius civile, inter se, & prætorium confligunt, id potiùs extremum quàm illud antiquum sequendum esse & amplectendum existimant. Inde fit ut quamvis iure civili suus hæres patri necessarius hæres esse dicatur, tamen proconsulis æquitatem sequi oporteat, qui filiis abstinendi hæreditate paterna facultatem indulget^d. Eadem quoque ratione, ius civile cum, qui verbis solennibus obligatus est, astringit, etsi nulla subsit causa obligationis, sed ius prætorium liberat^e, cui usus forensis potiùs assentitur. Ius etiam civile filium emancipatum, qui præteritus est, paterna successione penitus excludit : at ius prætorium ei bonorum possessionem contra tabulas, quasi quoddam salutare auxilium porrigit : nec unquam ab ullo dubitatum est, ^f quin hac in re subtilitati antiquæ prætoria humanitas præferretur & anteponeretur. Quòd si in his omnibus prætorium ius sequimur, iure civili, aut correcto aut abrogato, non video cur in testamenti confirmatione æquitatem reiiciamus iuris antiqui, de sùeris argutiis & ambagibus,

d. l. necessariis. D. de acquirenda & omittenda hæreditate. e. l. palam autem. Pa. circa. de exceptione doli. D.

f. T. de bonorum possessione contra tabulas. Digest.

bus, quasi scopulis, penitus adhærentes atque affixi. Veniat vobis in mentem olim inter summos oratores Crassum & Scæuolam causam M. Curij & Mar. Cauponij agitatam fuisse, quum Scæuola ex scripto testamentorum iura defenderet, Crassus autem causam suam testatoris voluntate tacita & mente tueretur. Cuius exemplo & autoritate adducti, non tam legis municipalis verba spectanda & excutienda, quàm sententiā considerandam & ponderandam arbitramur. Etenim si consuetudo donationem inter coniuges liberis nunquam editis admisit, cur etiam illa natis quidem liberis, sed statim & ante donatricem extinctis non valebit? Præsertim cum iura omnia quæ natiuitate liberorum testamenta rumpi aut donationes præcipiunt, non fauore hæredis, sed in gratiam liberorum constituta sint: qui postquam semel aut ante testatorem, aut ante donatricem obiere, iam neque testamento, neque vlla donatione offendi aut spoliari possunt. Quod si res ad viuum rescanda est, & ad amussim examinanda, si legis ipsius verba aucupari, si syllabis inhærere necesse est, causa hæc nostra multo faciliorem exitum habebit. Lex prohibet donationes inter coniuges, liberis extantibus: eadem donationum euētum atque effectum in mortis tempus reiiicit. At iam tempore mortis, vt confitetur aduersarius, liberi non extabant. Hæc igitur donatio minimè videtur in prohibitionem legis municipalis in-

currere. Superest quod obiicitur ex lege, Quod certatum, Cod. de posthumis hæredibus instit. In qua id quod olim iuris ambigui & controuersi fuerat, videtur Imperator decidere ac determinare voluisse. Sed certum est in rebus incertis & variantibus Iuriconsultorum sententiis, Bartoli opinionem sequendam esse, qui hanc legem de eo intelligit, qui testatore iam mortuo & natus est & mortuus. Atq; huiusmodi posthumus cum ius hereditatis & successionis tacite agnouerit, mirum non est, si testamentum ita rumpat & vitiet, ut morte illius resuscitari non possit: at in nostra controuersia filius uiua matre mortuus est: unde fit, ut nihil ei eripi videatur: neque eius hæredibus, cum ad posthumum sola spes hereditatis, non autem hereditas & successio ipsa, peruenit. Etenim nulla est superstitis spirantis & uiuentis hereditas.

FINIS.

